



硃批諭旨

趙弘恩奏摺上



硃批趙弘恩奏摺

雍正六年十月十五日湖南按察使臣趙弘恩謹



望奏為遵

旨陳奏恭謝

天恩事竊臣接怡親王大學士張廷玉寄信雍正六年

皇上八月初三日奉

上諭各省藩臬有准其具摺奏事者亦有本人未曾奏

請具摺朕遂未曾降旨者今思藩臬乃地方大員應

准其各就所聞所見具摺陳奏且即此可以觀其人

之居心辦事爾等可寄信與湖南按察使趙弘恩伊

硃批諭旨

上

趙弘恩

若有陳奏事件初次具摺差人交門上奏事人轉奏
嗣後從何處轉奏朕再降諭旨可也欽此轉寄到臣
請竊臣介微賤毫無報效於臣父趙世綸臣母李
士備氏及鏤爛軍器各案內臣俱應罷斥治罪深荷
皇上重疊天恩特賜寬宥復拔授按察使臣清夜自思
天恩不特功名榮祿出自學士甄拔正資計察五六平
浩蕩隆恩卽身家性命皆蒙

聖主格外保全臣雖犬馬少具人心感愧交迫寤寐警
惕惟有恪遵

聖訓實心實力急公辦事聊效萬一茲復蒙

特諭准具摺陳奏聞苗匪首一二各立爲苗員
命之下益深惶悚謹將地方事宜三條另繕一摺恭呈

御覽臣以後奏摺從何處轉奏之處伏請東對川湖苗
以後奏摺齊交怡親王轉奏

恩旨爲此具摺恭謝去後備查各土苗苗匪寨具

天恩謹未辭之案督令於剿乘公雷駐於內此察禁到

奏書無日即聞苗寨當唱禁寨率其首只苗寨
覽奏知道了條陳三款一摺留中候朕詳閱另行批發

同日又傳諭令一由苗只督調對寨又至苗寨

奏地方事宜謹開陳於後

一湖南地方苗匪繁多內有已附州縣者有歸屬

土司者有竝無約束者若輩不憚箠楚惟懼殺戮
凌肆害居民已非一日臣細加察訪起釁之初一由
漢姦勾引教令一由居民借騙攘奪及至告報到
官地方有司又往往袒護不究是以構怨愈深擾
害無已臣所聞既確當卽嚴禁察拏其有民苗構
天恩釁未結之案督令作速秉公清理但內地察禁既
嚴苗苗亟宜設法鈐制查各土司原有苗頭寨長
另降諭旨
命之苗歷來每寨止設寨長一人遇有事件彼此推卸
今應每縣僉選諸苗悅服者一二名立爲苗長捕

緝稽察一惟苗長是問每三年無過獎賞一次則
推卸之弊庶幾可杜其無管生苗有能改邪歸正
者應聽文武員弁開誠化導如其率衆投歸酌給
香寨長千百戶執照報明督撫立案每三年無過亦
望恩予獎賞倘再有頑梗兇橫更肆劫擄者應請動兵
擒勦立即正法再查湖南南州縣遇有苗苗劫殺民
人之案文武隣境多未會差兵役合力追擒更或
互相推卸延至限滿查叅或混援苗苗自相穴鬪
或捏稱是讐非盜朦朧外結陋習相沿有長兇風
合併陳懇

久經嚴諭各省諒該地方官自皆稟遵緝禁何必又頒
聖恩頒諭嚴飭俾知凜惕益加奮勉則兇苗不致漏網
諭旨

良民得安衽席矣

一設立藉田攸關典禮守土官員泛視怠忽理應
從重治罪前廣西桂臨縣知縣楊詢朋拋荒藉田
荷蒙 立明五去再查贖南州縣縣官苗穀快錄只

聖恩令其管理十年嗣後各省管理藉田官員有怠玩
者即照此例行欽此臣之愚昧恐有不肖牧令於接
受前官交代時因有經管十年之例思欲自卸仔
肩捏揭栽陷亦未可定而離任之員仍留原任地
方則交接官紳攬情說事勢所必有應請 一六限

敕下各省嗣後州縣交代其前項藉田及壇宇農具有
拋荒傾敝者接任官詳報上司該上司委員勘實
然後將前任怠玩之員

題請革職照毀棄大祀神御之物律杖一百徒三年
仍照原動價值追出交給接任官酌動修整造冊
報銷倘接任官仍無整理或交代徇情并平時有
高旱怠荒者應令該管知府每於盤察州縣倉庫時即
就便勘驗不時揭報照此究追知府徇隱失察照

皇土虧空例處分庶責有攸歸
此條候朕更加斟酌
大典永垂於億萬斯年矣

大典示大小官員荷蒙矣

皇上格外施恩將錢糧耗羨分給養廉使之屏除苞苴
悉心辦事凡有分釐之得皆是朕與爾等共察照
高厚之仁然湖廣一省耗羨係按所屬額編錢糧扣算
由州縣分交該管司道府廳收受如守巡各道中
有每年可得銀一二千兩者有僅得二三百兩者
該府廳州縣可以類推多寡未均恐啓覬覦貪圖之
念應請

特敕督撫將通省錢糧加一耗羨槩行隨餉解貯北南
兩藩庫除扣存三分公用等項外儘其所餘銀兩

酌量司道府廳州縣大小繁簡派定數目按季給
發其州同縣丞典史巡檢等微員皆為
另旨飭諭該撫等計
朝廷出力辦事亦應量為抽給則羣工共沐
皇仁一體均沾實惠矣

以上三條是否可採統乞

聖裁謹
奏
覽
雍正七年四月二十四日四川布政使趙弘恩

殊批諭旨
上
五
趙弘恩

奏竊臣接管署布政司事劉應鼎移交支存正項錢糧除江寧省協餉短少并前任布政使羅殷泰虧空於各原案歸結外應存銀七十九萬九千八百零一兩零又另存案候歸入正收雍正五年自首准抵七年條糧部撥封貯鹽茶課各年續首糧課各官完貯虧空贓銀支剩扣還軍需餉米工料竝各皇二年鹽茶耗羨雍正六年條糧火耗暨暫存雍正二三四五年未領俸工花紅寄庫軍需雍正四五年耗銀報資兵馬奏銷部書飯食前布政使管承澤署司劉應鼎各任內平頭等項共銀一十八萬五

千九百七十九兩零再查正項內有借墊銀一萬三百七十四兩零係未經

題明之項臣隨清查檔案或係急等製備軍裝或係接濟行間兵食以及祀典難缺皆屬詳明撫臣通融一時現有俸餉本款可以收還不難歸補再臣任內亦曾於四月十一日因提標借支修補軍裝器械銀二千兩批司查議詳明借給議俟於秋季俸餉公費內扣還在案錢糧絲毫爲重臣職司出納其一切別項借墊及各營無事預支餉米臣斷不敢擅行那動惟間遇關繫軍營地方緊要事務

一時不得不權宜變通以濟急需又係旋可歸補
毋庸

題達免致觀望延推但臣亦未敢稍有隱蔽嗣後如
有此等借墊除詳督撫示行外亦必據實奏

聞再通省存倉米穀麥苽豆粟青稞等項臣恐州縣中
有侵那虧缺之弊現已派委隣府隣州盤察又忠
孝節義祠暨

先農壇藉田臣恐有置辦未備之處亦現在委員勘

報合并陳明謹

奏

今命爾署理湖北巡撫印務雖係代攝為日甚久汝川
藩職分內事俱當一一告之於署任庶便次第接辦湖
北去川不遠仍當留心不時訪察毋謂不在其位不謀
其政而置之膜外也至於湖北之任不可以為署篆而
稍涉因循延諉再者改流苗民不法一事務須秉公審
理尤不可借恐長才風一語開脫劣員苗民之才風固
不可長有司逞私滋擾誤國殃民之習縱而不懲可乎
必屏却一切瞻顧執法研究使無纖毫遁情方為不負
朕之委任也勉之苗壽等來亦有面諭之旨

奏同日又

奏竊查前任布政使管承澤署司劉應鼎各任內積有平頭并支剩地丁奏銷飯食及雜項耗羨充公銀兩內除因公支用已經造冊詳報准銷外剩銀一千九百二十二兩零俱已交臣接管臣到任以來收放錢糧亦已餘出平頭二百餘兩隨查川省民賦奏銷現今每年有給部書飯食銀一千三百兩向係攤派州縣自雍正六年停捐臣擬將雍正六年應給飯銀於前署兩司平頭銀內動支其七年飯銀於臣任平頭內支給再有餘剩另充公用再臣衙門辦事之書辦每班三百餘人正資供辦

命曰各州縣解司條糧每百兩向有伊等飯食銀六錢聖恩查係出於州縣收糧積平銀內又有支放俸餉養天恩廉給帖發憑等陋規每年共計約六七千兩又查奏伊等飯食紙筆等項每年約實需銀四五千兩臣欲僅留條糧飯銀一項而目前實未敷用今將有累屬員兵民等項陋規俱逐款嚴示禁革訖其餘無礙陋規暫為存留以資其用俟條糧墾增可得奏飯銀四五千兩再為漸次裁革是否可行伏乞

聖恩訓示再現今丈量科則冊籍臣恐各屬造報未能畫一致滋駁換耽延而書役更得藉端需索隨擬

就冊式詳送撫臣核定通發各屬照造并察禁府
望恩州縣均不得絲毫派擾民間合并陳明謹辨未
奏贖贖四五十兩再為補大煉革長否可為

覽奏知道了照所請行移明署任可也

雍正七年八月二十四日署理湖北巡撫印務四

川布政使臣趙弘恩謹

奏為恭謝

天恩事竊臣於本年五月十九日荷蒙

聖恩命臣署理湖北巡撫印務聞內

命自天戰兢無地獨是臣智短才庸撫躬愧懼受

恩愈重報稱愈難惟有稟遵

聖訓不敢以已卸川藩之事少為推委又不敢以署理

撫篆因循延緩竭此身心矢志勤慎不避嫌怨不

辭險阻以仰報

聖主深恩於萬一耳臣於五月二十二日將布政使印

務務交送臬司呂耀曾署理交盤完畢至七月初四

天恩日起程於閏七月初二日抵襄陽府十三日抵常

德府會審之案另摺奏

聞再臣途中詢問年成俱云德安府屬晚禾受旱武昌

漢陽等府入秋以來雨澤愆期容臣到任查明陳

奏岳州府常德府入夏少雨八月初六日起至初九
開百日止日夜得雨雜糧蕎粟大爲有益合并陳明爲
此恭謝審之案民附奏

天恩謹以對於開山之日凡與趙孫十一日拜常
奏辭交致泉所司職會署收文母與趙孫十一日拜常
湖南巡撫王國棟心有餘而力不足清慎勤三字朕皆
許之然不能擴充識見毫無益於地方殊不勝任今命
爾巡撫湖南矣可勉竭公忠企及鄂爾泰田文鏡李衛
之居心行政以副朕望諸凡不必急求速效孜孜無倦
循序料理自有就緒之日汝等封疆大臣首以馭吏導

民整飭風俗爲要潔己立名隨事應辦皆末節也湖南
兵民刁悍兵不畏將民不尊官在下有陵上之心在上
有怯下之勢所以法令不行姦頑無忌甚爲難治之省
凡督撫其地者必先勉勵令通省共信不疑然後方可
有爲慎勿輕忽妄舉率意紛更一切興除動作皆須奏
請斟酌妥確始見之施措於此處加謹加密更爲切要
至若開拓苗疆駕馭土民殊非急務卽就湖南目今兵
民情形而論亦非其時必待數年後威布化行民懷吏
畏風俗醇樸營伍精練諸務妥協庶可言及也否則不
端其本而惟末是趨恐不免有覆餗之虞慎之勉之毋

忽

同日又

奏臣於七月初七日在四川綿州地方值家人捧齋
硃批奏摺到臣當即遵

旨移咨知會署印呂耀曾訖臣出川時曾將藩司衙門
一切事件開單詳細告知呂耀曾矣伏讀

聖諭命臣留心訪察川中事件臣當遵

旨訪察凡有所聞卽行陳

奏今將臣目擊三條開陳於後

一四川藩司現在銷算歷年軍需檔案又值丈量

核冊之際事冗案繁務宜精細方無舛謬臣在川
時見科臣高維新清理丈量核算科則條分縷晰
頗屬明敏居心坦白亦無欺僞似堪暫爲辦理藩
務以清案牘者也

二四川田地多有隱墾荷蒙

聖恩寬其已往許以自首

特遣科臣清丈今值查丈漸竣按畝計賦之際其各屬
皇土田地科則實有多寡未均之處如巴縣上田一畝

合徵丁糧條銀六釐九毫零峩眉縣每畝則徵銀
九分七毫有奇雖田地各有山原肥磽不一而徵

銀多寡似未應如此懸殊若仍因舊則陞科恐民力輸納維艱致起將來拖欠抗玩之漸仰懇皇上特敕川省督撫及清丈科臣悉心察酌將糧則過重者量爲輕減則小民益知鼓舞墾者愈廣裕賦便民兩有裨益再民間荒田原議勒限原業主一年開墾如一年不能開墾卽撥給流民今民間多以己業難舍廣爲認墾勉強目前全不計及日後力難盡耕致貽包賠之累至無主官荒爲數亦覺無多現今查出各省流民已有七千二百餘戶恐將來有不敷安插之慮併懇

聖恩敕下督撫科臣善爲開導倘流民有無荒可給者或於荒多之業戶早令佃種營生是亦安置之一法也

一打箭爐地方甚屬緊要且五方雜處百番叢集況目今達賴喇嘛移駐革達離爐更近凡西藏一帶番蠻赴革達進香順便入爐交易者必多則內地客商赴爐生理者自較昔有加其中姦良莫辨恐生事端查雅州已改府治似應添設同知一員駐劄打箭爐撫綏彈壓其外至革達內至烹壩地方俱歸該同知管轄至打箭爐旣設同知所有現

在驛丞一員允宜裁省驛務卽交該同知管理再
自雅至爐就中瀘定橋地方係各土司入爐歸總
之要隘應設巡檢一員專司稽察卽歸同知統屬
則聲勢聯絡地方益覺寧謐是否有當伏乞

聖主睿鑒敕下川省督撫議覆施行謹

奏

所奏三條候朕斟酌另諭川省督撫察議施行

同日又

奏臣蒙

皇上委任會審永順土民聚衆控告潘果一案捧讀

硃批臣復於閏七月十一日途次澧州見大理寺卿苗

壽工科給事中唐繼祖口宣

聖訓臣跪聆訖卽於是日起程同赴常德於十六十七

等日據土民呈詞按款研訊因有應提質審要犯

及查勘卷案節次飛提於八月初六日到齊復加

皇上嚴究各犯供情臣等俱經詳訊明確按潘果確實

聖贖罪款照例擬絞其各舍把頭人擅自聚衆目無法

規紀亦已分別首從照例定擬至潘果任意妄行紛

紛滋擾該管各上司早無聞見殊屬不合雖經揭

參并自行檢舉在案而揭參遲延之咎亦屬難辭

臣不敢少有瞻顧徇隱竝將督撫司道等官開列
職名隨本附叅具同早無聞良恐不合難懸
題矣所有苗地情形分列七條進呈果至意文行條
聖覽伏乞 聖上訓示施行
一查苗徭生性冥頑不靈且復多疑治之之道惟
以忠信明決迅速簡易為當若少遷延必起狐疑
聖時 聖愚以為重大案件以及土苗漢民爭殺命案仍
宜照例歸結其餘一切苗地命盜案件似可以土
此論朕殊不以為然目今新開之時法既不行因仍至
和世治土飭令府縣就案立即剖斷若凡事詳解勢必

三五年後重復更張恐更不能行若曲徇其舊則猶然
是土非流改歸之謂何於此當加詳細斟酌
五年後蠢愚漸變馴良頑梗盡歸

王化一切案件按限照例遵行庶政有次第而
聖德裁成於永久矣

一承順乃新闢苗疆土苗野性未定俗例刀耕火
種頑梗不靈今蒙

聖恩准其改土歸流土民得免苛政已入

王化臣等聽審之下各吐實情直陳無隱臣愚以為先
清丈之舉原可不必已降諭止之矣

行開導化誨而清丈田土之事少為遲緩俟保甲
學校俱已行定之後再行清理畝畝庶頑梗易於

樂從矣

一永順土司舊設土兵今官兵既設理應革除但

恐其游手不安本分似應令其入營當差此項工

事須與武員商籌偏裨等倘不樂從強行無益若慮

此輩不得其所設額兵內陸續查有守兵逃亡空缺以

伍又能保其安餉作給土兵二名工食之用既可安其心

兼獲嚮導之利矣

一永順素無賣米行市今既駐劄官兵其需食甚

多至青黃不接之時米價又復騰貴似應將兵丁

冬春二季應領折色米銀先行支發令該管官弁

預備米石按季給領則兵丁可免糴買艱難之慮

支發米銀等務在汝等文武大員共相酌計而行也

一永順水陸道路險峻穀米內運艱難應飭各縣

將來錢糧令輸納米穀本色貯倉按季撥作兵餉

此條大有關係當與督臣詳議而行之利害相半之事

至土司所獻官莊每年秋收穀石亦應撥給兵丁

不宜草率遠立見作月米之用似無庸屯貯以起土苗覬覦之念也

一查土司彭肇槐所獻官莊糧穀土司只給佃戶

十七石口分之外餘盡徵收潘果照苗民之例一

斗種徵穀一石共計八十四石餘種每年徵穀八

百四十餘石然地有肥瘠土有厚薄一例徵收於

理未協應飭府縣查明上中下田土按則徵收方

爲合例再永順秋糧每年徵銀一百六十兩潘果
據舍把之稟每戶一分徵收共計一萬九千八百
餘戶徵銀一百九十八兩零雖經全解藩庫餘銀
准作下年秋糧遷延拉扯亦不合例應飭府縣照
依一百六十兩原額分派徵收方屬妥協此條已
於審案內聲明矣

一臣訊各土人俱云自改土歸流之後盡得安居

容美一司紛紛條奏者甚多朕皆不取田畝如已知悔
艾敬懼嗣後可保相安守法諸凡不必過於苛求但聞
孤立邊方不無脣齒之慮但其現在惡款未著叛

向來督撫等多有受其賄賂者當深以爲戒卽尺布斗

粟之微亦不宜沾染
皇上柔遠恤苗之

聖慈教誨感化使之改過遷善前臣出川時撫臣憲德

提臣黃廷桂將其濫給委牌一事告臣臣至荊州

府時聞督臣邁柱已遣荊州道高起親身嚴加訓
誨臣仍不時訪察以防其詐當無厘

聖懷也謹

奏

覽

同日又

殊批諭旨

上

十六

趙弘恩

奏臣於四川布政使任內經手一切正雜錢糧交存數目俱分晰造冊移交署布政司呂耀曾并報明督撫訖其通省存貯倉糧臣已派委各隣府隣州盤察及忠孝節義祠宇

先農壇藉田等項亦已分委各員查勘以及一切事案今臣卸事俱逐件交與署司留心辦理再臣以在任日期計算得養廉銀二千四百二十七兩零內除抽幫學院養廉捐給塘丁報資等公用外餘銀二千一百餘兩以作養贍家口內幕束修等費深沐

聖恩舉家感戴又查臣在任三月積出平頭銀四百九十一兩零內支給過院吏奏銷飯食紙筆共銀二百四十四兩零餘銀交與呂耀曾以備湊支地丁奏臣會銷部書飯食之用理合陳明謹因懇查銷部未則奏合咨前臣去歲數賦臣亦在任三月積出平頭銀四百九十一兩零內支給過院吏奏銷飯食紙筆共銀二百四十四兩零餘銀交與呂耀曾以備湊支地丁奏臣會銷部書飯食之用理合陳明謹因懇查銷部未則

操守第一要緊當極加砥礪汝等漢軍之鄙習人所共知者惟此貪之一字朕不能不為汝慮也

同日又發良欽臣思會同欽臣王國琳查辦等因旨奏為遵恩林壁懇陳職草懇共官周一欽職草並王旨密行事雍正七年閏七月初五日准戶部咨開議得

旨密永順等處已奉
旨令趙弘恩料理應將鎮筵總兵官周一德鎮筵道王
柔原奏發與趙弘恩會同邁柱王國棟查議等因
奉

旨依議卽密行文與趙弘恩令其會同辦理欽此爲此
奉合咨前去欽遵施行移咨到臣卽遵

旨會同湖廣督臣邁柱湖南撫臣王國棟查議得永順
土棍聚衆控告潘果一案前經據報飛檄鎮道迅
往撫諭又差委員弁持示往撫旋卽解散土民俱
聖恩各安業其從前議撥官兵八百名已經臣邁柱於

改土歸流案內接准部咨檄飭副將朱文華迅帶
原撥辰協兵丁赴永駐防竝各標營派撥官兵立
催赴永分防布汛現今兵威整肅地方安靜其該
鎮道請撥官兵以足從前所議八百名之數分防
布汛之處應無庸議再聚衆首從之舍把田爾根
等四十餘名俱已陸續就獲臣趙弘恩業已遵
旨會同苗壽唐繼祖逐一秉公審擬現經具
題聽候部議發落是首從俱已治罪亦可懲一以警
其餘再若請兵分布嚴追研究押令土衆舉出首
惡盡行擒捕究擬勢必將散處各寨守法之人拖

累株連是滋擾構釁之端已息而復肇矣其該鎮道請令勒從之人舉出倡議之人盡行擒捕究擬之處亦無庸議至潘果縱役擾民激變苗衆王柔係專管之員竟無聞見聽其苛刻凌虐及舍把等聚衆拏役王柔帶兵前進身至王村頓生退悔復以駐劄遙爲聲勢爲解等情罪已於會審案內附叅聽部議處惟是此案緣今改土爲流在土民則是出水火而登衽席在舍把則如豺狼之就籠檻不能恣其吞噬遂乘潘果不善撫循之隙鼓惑號召以致聚集多人而土苗畏懼不得不惟命是從

也應請凡有漢姦冒充舍把者照例移解內地安插其餘舍把頭人盡行革除再有犯法之事卽行究處立移內地安插飭令新設府縣等官查明土民戶口照依內地清編牌甲設立保正百甲責令管束該府縣每於朔望宣講事竣支職俾民歸審

聖諭

廣訓化導愚頑如此則姦頑可變良善而土民亦無不

遵法向化矣臣等謹合詞具覆伏乞 聖鑒訓示

皇上訓示遵行謹其 聖諭

奏

殊批諭旨

上

九

趙弘恩

所議俱是王柔乃踴躍趨事之員但諸事急於求效不免孟浪之咎當棄其所短取其所長保全用之

雍正七年九月十九日署理湖北巡撫印務四川
黃鵬布政使臣趙弘恩謹題
奏臣於本年九月十一日到任署理湖北巡撫印務
竊查湖北省城積習訟棍滋事姦吏舞弊府縣審
理案件疲玩成風任意延擱而江漢又係省會衝
區易於藏姦納垢臣到任之後已將巡撫衙門蠹
書姦役重懲十有餘人其餘容臣竭力清查其各
屬錢糧有無虧欠現在明查暗訪務期不致少有

欺隱朦蔽至於諸屬員進見之時臣悉明白指示
剴切開導務期

聖國家得人以慰

聖懷若有聲名狼藉貪酷虐民者自難少緩叅處其餘
平庸遲鈍者或係初任之員或係迂腐之流臣愚
以爲宜嚴加教訓以觀後效倘至再三不能化誨
或令其改教或令其罷任亦難姑容以貽民患惟
聖主命署封疆鉅任自知才短識微日夕惶恐嗣後凡
有識見短淺之事惟有具摺奏

聞懇祈

皇上訓示遵行再奉

旨密拏大盜趙七臣於雍正五年聞該犯於春間私到此非公然差拏之事稍露風聲必致遠颺當密訪的確

一舉漢口臣十月復任武昌道時比即差拏未獲今已設法密緝務期拏獲嚴究以昭不能獲矣

國典再原任寶慶府知府許登瀛聽訟明允辦事勤

聖恩仍留楚省補用臣與督臣商酌俟有緊要之缺以

之汝與邁柱商酌遇有缺出即行題補

之

題授可收得人之效合并陳明謹

奏

今爾赴任湖南更非湖北可比須勉之又勉封疆大吏

之責惟察吏一事但能令屬員知懼各皆循分盡職何

事不克辦集一人之心思耳目有限安能周徧通省然

欲使屬員知懼亦不在故為嚴厲動輒叅劾也是非懲

勸少不公明人焉肯服如鄂爾泰田文鏡李衛無他伎

倆不過能令屬員心悅誠服耳湖南風俗大抵民刁兵

悍武弁俯就兵丁有司縱容百姓較之他省尤為難治

積習已久不可驟加繩墨亦不可因循姑息如治亂絲

徐徐不間次第整理自當就緒不然非過則屬不及何

望成效至於苗疆事務只就目前局勢隨宜料理切勿多事貪功致滋紛擾民俗未淳卒伍未練豈可捨近求遠輕舉此等事耶誌之密之此外更有訓汝之旨隨便陸續批示

湖廣總督臣邁柱署理湖北巡撫臣趙弘恩謹奏爲恭請

聖訓事案查欽奉

上諭目今各省內或有尚未分給養廉之員著各省督撫悉心商酌一面辦理一面奏聞經湖北撫臣馬會伯准到部咨在案竊臣等查湖北養廉尚有多寡

不均參差未當之處應請更定以裕羣工湖北每年耗羨銀一十一萬一千八百三十九兩零除糧驛二道及武昌同知另項撥給外其布政司以下州縣以上照事繁簡議給養廉竝辦公務銀共十萬一千四百兩尚餘銀四百三十九兩有零留充公用至署事之員既有本任養廉則署事之銀應給一半其餘一半留充公用凡有差遣離任之員支給半分以養家口其署事之員分領半分以辦公事至於雜職等員任輕事簡既有俸銀可供食用似可毋庸議給養廉但值奉差四出或有那

借遲延之累議於出差之時量差遠近於充公銀
內撥給盤費自無誤公之慮矣是否有當臣等未
敢擅便伏乞

皇上訓示方敢具

題謹

奏

舉凡直省此等奏請朕槩付之一覽而已是當與否在
汝等秉公斟酌辦理也

雍正七年十一月初七日湖南巡撫臣趙弘恩謹

奏為恭謝

天恩事竊臣署理湖北巡撫印務甫經十有三日又蒙
朕以為汝尚在常德未及赴任不料審案如此速畢已
聖恩補授湖南巡撫聞而足谷身以難慰矣合共刺用
命自天戰兢無地十月十八日奉到

硃批諭旨臣謹遵

皇上指示次第辦理另固着盡善也懇

奏外荷蒙

聖訓開導愚蒙銜感五內刻不去懷以為終身之所遵

循者也

能知戰慄始克常保榮寵敬慎二字時刻不去懷抱方

恩賜翎帽榮寵之至益加戰慄謹遵

無驕氣肆志但不可為一己利害而畏縮優柔勉之

諭旨凡有所為必先奏請方敢遵行復念臣閭劣庸才

硃批諭旨

上

三

趙弘恩

命汝來
天恩伏祈
皇上睿鑒施行謹
奏
燈下所批字畫潦草汝其詳加審視
土簡同日又
奏臣到任之日經前撫臣王國棟交臣之事臣當一
辦理謹列於後伏乞
聖覽
上諭各省
殊批諭旨
上
趙弘恩

皇上准臣親身赴
且不必來京朕隨便之批諭與面諭無二果肯立志向
關面請
上遵訓而行於一
訓誨庶地方得以安靜而風俗得以醇穆矣合并陳明
聽受祇承便面訓數千百言亦復何益遲一兩年後再
大恩為此恭謝

不避嫌怨定膺衆譽不顧身家必獲保全乃一定不易
之理太上所謂忘其身而身存世事大抵皆然合各榮
聖恩於萬一耳但臣智短才庸湖南一切事宜諸多未
祿豈可以權術機謀得者此理須要見透見透無疑方
能立志不撓也竭力勉之
聖訓詳加指示斷不能周詳盡善也懇祈

命汝來
天恩伏祈
皇上睿鑒施行謹
奏
燈下所批字畫潦草汝其詳加審視
土簡同日又
奏臣到任之日經前撫臣王國棟交臣之事臣當一
辦理謹列於後伏乞
聖覽
上諭各省
殊批諭旨
上
趙弘恩

龍神廟原為地方祈求年穀豈可聽愚民附會祈求以致褻慢欽此伏查湖南湖北

龍神祠向俱潔淨供奉臣當不時稽查不許閒人瀆

好擾辦取費

奏一大學士公馬爾賽等寄信奉

上諭凡日又

龍亭御碑亭該有司等應當加意防護修理欽此臣現在

湖南地方或未必有如有當實力遵旨奉行飭查修理

呈一大學士公馬爾賽等寄信奉

上諭近聞西洋之人外省府縣中尚有潛藏居住者本

地無賴之人相與往來私從其教恐久之湔染益深

甚有關於風俗欽此臣已嚴飭各屬星飛查報倘有

不過送至其地而已不宜過於拘束非犯罪之人可比

莫令外夷怨怖有失中華柔遠之義旨委官押送澳門安插

臣聞四川墊江萬縣七月初間百姓不容丈量

扯旗聚眾約千餘人係因丈量之臣過於急遽不

善勸諭之所致也撫臣憲德委高維新提臣黃廷

桂委中軍官同往慰諭勸釋等語此臣風聞之事

聞奏恐未確實理合遵

旨奏

殊批諭旨

上

五

趙弘恩

聞謹

奏

覽

林委中軍官同封堪備備辦於此亦風聞之事
同日又

奏准前撫臣王國棟移交册內有遞往廣西軍犯

達色等七人沿途布散流言一案除長衡岳三府

協營兵役已經訊明覆

奏外其永州一府尚未解到應催提訊等語臣隨檄

其行護理按察司原任寶慶府知府許登瀛將永州

府遞解兵役解臣訊問隨據許登瀛呈請將沿途

住歇店家一併提訊詳報到臣因所詳近理當

即密飭速提解訊毋得驚擾地方茲據陸續解到

各舖店人等臣俱逐一詳訊所有訊過各供另敘

簡摺恭呈

御覽仰見

皇上聖明先知先覺無微不燭確係逆黨怨望造作無

影之言沿途布散實屬情正今既訊出造謗根由

甚屬不通

奏理合據實奏

奏

殊批諭旨

上

三

趙弘恩

詳閱各供詰詢明晰殊為可嘉候另有諭旨

同日又

奏湖南民情蠻蠢刁悍勝於湖北少加姑息難於安帖上下各官近以寬容居心和藹處事以致案件疲緩姦胥猾吏朦蔽妄行臣到任之始即將臣衙門及兩司蠹役二十餘人嚴拏懲處凡有各官進見臣俱切實指示一切案件不許耽擱遲則查懲湖南吏治過於嚴急恐激成事端然不得不稍加嚴飭方可整此委靡之風或俟半年一載之後再主見固是然尚非根本之論果能以忠誠對越行寬嚴互用似屬妥協誠如

上

天闔省官民各具有心思耳目當寬而寬當嚴而嚴未聖諭數千里外明徹如鏡臣捧讀有不感動畏服風移俗易之理若預立意見專以權術御批不禁歡欣踴躍之至但臣才短識微諸多未諳驟也下當重人心中實惶恐凡有應行事宜開列於後仰懇皇上訓誨遵行

聖旨一府廳州縣不能勝任者居多若驟行

題叅誠恐接任者又係新員反不如該員之少經歷

練臣愚以為當嚴加訓飭或以文檄或用手書或

此見甚是統屬之道汝得之矣但觀所言與行相符否

也容定行叅處至於貪酷有害於民者則當急行叅

革也

殊批諭旨

上

三

趙弘恩

新闢苗疆所有府縣城垣據道臣屢請建造約用銀六七萬兩臣愚以為新闢苗疆當以撫恤化誨為重應俟梗頑向化之後漸次建造亦不為遲新闢府縣建造城垣亟當題請正項錢糧速為興工者且內地州縣無城者不一而足況苗地又歷來若至若內地城垣較非急務可徐徐量力而為之事此者也應否如是伏乞

聖訓遵行

一湖南風俗不端人情刁惡荷蒙

朕用李徽正

聖恩特遣觀風整俗使臣李徽巡行化導臣見李徽品行端方語言正直一派天良毫無私曲與之言論與臣意見相同臣思移風易俗出示告誡恐愚頑

視為具文不若獎賞羞辱二端易於感動人心臣愚以為凡有孝悌友愛端方良善人等令其按季報臣於臣養廉項內賞以花紅匾額其有兇暴匪類不守本分等人亦令按季報臣照律究處仍於該犯門首懸匾辱之或一二年間人情貪賞懼辱由勉強而及自然或可為移風易俗之一則也應此論甚通可謂創興之美政但分別姦良必須察訪的確否如是懇祈

皇上訓示遵行

一大學士公馬爾賽等寄信到臣奉

上諭羅教一案當分別輕重生事倡首者不可不懲無

殊批諭旨

上

天

趙弘恩

知附和者量加寬宥總期化導愚頑去邪歸正以杜
蠱惑人心之漸欽此臣卽密行寄信各屬善爲辦理

俟查明解訊到臣之日臣當遵
如此方是
旨酌定分別輕重不敢株連無辜也

一大學士公馬爾賽等寄信到臣奉

上諭湖南匪類賣藥一案鄂爾泰緝獲江自得解楚面
質令臣與王國棟詳細研究無枉無縱欽此臣查許
英賢等經前撫臣王國棟已經解往江西原籍安
插臣現在飛咨江西提解來楚其雲南之江自得
已於十月二十五日解到臣詳細研究狡供不認

俟提到許英賢等嚴審明確另行奏

聞謹

奏

此案據滇省奏稱江自得已供認不諱其事似有影響
大抵前因王國棟疎忽從事所以未能究出雖然豈可
令無辜濫被冤抑須秉公研審務得實情封疆大臣於
是非真僞必具確見將一派忠誠對朕方是若一味迎
合揣度以爲敬慎則大誤矣萬不可蹈襲此輟勉之誌

湖廣總督臣邁柱湖南巡撫臣趙弘恩謹

硃批諭旨

上

三

趙弘恩

盜待至追比嚴迫始將竊賊數名支展搪塞又使積滑巨盜四出劫掠以供費用此若輩之故智故真盜終難全獲臣等以爲必設法密獲真盜一二名恩威互用誘其直報實在盜匪巧密擒拏庶可以寒捕役之膽而杜盜捕通同之弊似屬一策臣等卽以此意密授護按察司事原任寶慶府知府許登瀛悉心辦理今據許登瀛稟報拏獲積盜鄒細徠仔一名乃犯案充發逃回之犯訊據供稱認識盜犯姚士公住安慶府八卦門張九住江西南昌府廣城門又報出趙二住儀真縣龍門橋又曾

住漢口還金樓詰問趙二是否卽係趙七據供他又叫趙七他頭上有疤子還聞得他有弟兄六人素著落儀真縣典史的捕役盧士宏就知道了等語又據報出盜匪張二住湖北漢陽縣毛老五譚國亮等十一人俱住湖南衡陽縣等情臣趙弘恩卽提到鄒細徠仔親訊該犯供吐無異隨密札江南江西安徽著拏趙七弟兄六人盧士宏姚士公張九張二并委長沙協都司謝瓏等前往衡陽旋據拏獲毛老五等十餘名現在飭審理合先行奏

聞謹

硃批諭旨

上

三

趙弘恩

聞奏

日前有諭邁柱之旨趙弘恩汝試問之實緣督撫庸劣不能緝密致令風聲遠播所以巨盜趙七遠颺也如終不能獲朕看范時繹邁柱何顏仍復忝居督任士公

湖南巡撫臣趙弘恩謹

奏臣查拏獲逃盜鄒細徠仔供出趙七等緣由臣現

會同督臣邁柱具

奏外查鄒細徠仔所報衡陽各盜臣於解到時當交按察使張璨帶同原任寶慶府知府許登瀛密訊務期無枉無縱旋據張璨等稟稱訊據各盜又報

出各省強竊盜夥六十餘名及捕役李四何清等通同分贓臣隨又分行密拏因洞庭湖素為盜藪聖上察緝更屬緊要復委都司謝瓏帶同積捕李四等前往洞庭一帶密買船隻令其每船撥健兵數名選帶積捕積盜各一名扮作客船在湖內往來密緝一有賊船若輩自能窺認立時就擒但差出弁兵臣酌量給賞而帶去盜捕俱屬有罪之人可否仰邀

聖恩如積盜積捕能同獲實在大盜五名卽能獲小盜奏請各減罪一等能獲十名減罪二等再多以此遞

硃批諭旨

上

三

趙弘恩

奏減使各知奮興出力再此等積盜徹底清查自多
聖恩從前諱匿之案恐各省州縣等官畏叅拏護不為

協力追擒可否併邀

朕屢諭甚明此在汝等隨時權宜而為者果遇賢員何
聖恩特赦凡有各盜供出行劫未報之案無論遠近該
妨題請寬宥從來自行檢舉者朕皆不罪也如云特
勅寬免叅處爾意謂通行直省耶止寬湖南一省耶國
家成法攸關殊屬不可
乞

聖主訓示遵行再許登瀛既於護臬司任內領臣指示
查出積盜故今仍令隨同密審許登瀛亦依臣訓
不避嫌怨嗣後拏獲之盜臣俱令竭力會訊合併

將經奏聞之處令伊知之更為嘉勉令其奮志自效
陳明謹

奏

覽

同日又

奏為奏請

訓旨事竊臣一介庸愚捧讀

硃批訓誨諄詳不啻耳提面命惟有恪遵
聖訓實心奉行聊效萬一也茲查湖南積欠錢糧自康

熙五十九年至雍正六年地丁等銀米共八萬有
零細加訪察其中民欠者固有而胥役衿棍包侵

硃批諭旨

上

三

趙弘恩

賜時若朕可保其必然也第當務本根本既立諸凡自然順遂獲蒙

彼蒼之垂祐矣勉之敬之

同日又

奏爲奏

聞事雍正七年十二月初五日訪聞湘潭縣曹家馬頭間有扒桿船隻上插黃旗內坐龍大老爺口稱奉聖主內府差往廣東開礦現有印牌張威揚勢爪牙亭立臣隨密差標員前往會同文武圍堵盤拏於初七日據標員等將龍琯及隨從之人拏獲并搜出

諭票一張押解到臣驗看印文俱屬偽造內寫內務府奉怡親王諭委等字樣覆加審訊龍琯直認假冒不諱至票內所載王諭一道知照一角供係虛填臣思此種棍徒假印公行冒稱王差不法殊甚除鈔錄諭票押發布按三司追審定擬另

題外理合先行奏

聞捏造原票併呈
御覽謹日又

同奏

此事邁柱亦經奏聞朕批諭明係棍徒假冒復有何疑

殊批諭旨

上

三五

趙弘恩

通行頒發令山陬僻壤盡已曉諭之後然後從而盡力
嚴究之

雍正八年二月初四日湖南巡撫臣趙弘恩謹

奏為恭謝

天恩事本年正月初一日臣齋摺人回敬捧

御賜福字並克食到長臣即郊迎至署恭設香案望

闕叩頭謝

恩祇領訖隨將

恩賜克食留各屬在署挨次分嘗臣等既羣瞻

宸翰之光輝復共拜

天厨之芬馥歲朝得以公忠時

福元旦承

恩共謂千古奇逢爭相感為良吏臣從茲時讀
偶於一時一事天理發現所謂秉彝之良人皆有之必
殊批私念全消天理活潑由此益加警惕臣雖賦質庸
也日知其所有心領神會之處當即告示諸屬期其忠誠
愚凡有心領神會之處當即告示諸屬期其忠誠

廉謹切實無欺專尚根本不事機謀共相圖報

天高地厚於萬一耳再長沙連年禁止花燈爆竹民情
此等處原不必繩之太過但須禁其爭鬪抑其奢靡之
習可耳多有未洽今歲臣曲順民情許其鼓舞
昇平以期化導再各屬冬季雨雪霑足現在米價中

米每石自六錢至八錢二三不等上米每石自

殊批諭旨

上

三

趙弘恩

深慰朕懷

七錢至九錢不等合并陳明為此恭謝
天恩謹

奏

覽

同日又

奏臣初任封疆時深惶悚蒙

皇上諭旨著臣效法鄂爾泰居心行事適督臣鄂爾泰

恩共自粵回滇路經長沙臣於正月二十七日接見相

與言論四晝夜見其一片丹心開誠布公且認理

天恩的確毫無沾滯以公忠報

聖主以感化待官民於臣識見未到之處分別輕重詳

細指示至於封疆大任應辦應行之事鄂爾泰亦

多方開導臣頗有受益之處自茲以後臣當凜遵

聖訓勉力效法竭盡駑駘以仰報

聖恩於萬一耳鄂爾泰已於三十日起行臣送至瓦雀

溪於初二日回署理合奏

聞謹

奏

汝獲遇鄂爾泰與之晤對講議至四五朝夕乃汝之厚

幸大抵立心向上之人見鄂爾泰未有不感奮者即愚

殊批諭旨

上

兵

趙弘恩

不肖輩領其言論觀其動作除禽獸木石之無知亦未
有不愧勉者實屬不世出之名臣也然欲效法鄂爾泰
先當求其本鄂爾泰之超乎庸常者無他不過公忠二
字耳若徒以才情識見較鄂爾泰之長短則誤矣凡人
各有所長率因根本既失所以耳目心思俱絀一切智
力皆不及也今以種種榮辱得失之念居官爲人而欲
企及鄂爾泰如何可能至不能時而諉之曰才情識見
有所不及實乃自誤之論傳云心有所恐懼則不得其
正有所好樂則不得其正有所憂患則不得其正懷不
正之心以處事待人安能得其中耶如欲效法鄂爾泰

惟當返求諸本方可勉之善矣

同日又

奏爲奏

聞事懇祈
皇上訓誨遵行

臣到任之後各屬劣員尚未查明實蹟未敢遽
行參劾今查有屢經訓誨不能稱職如善化縣郭
位等十餘員已會同督臣邁柱分別核

聖題矣目下清查積欠委署印務俱在乏員懇乞

皇上特簡州縣官二十餘員來楚俾得隨時委用理合

皇奏請簡用御史二十餘員來欽幹幹制報委民聖合
侯棟選得人時發往
聖裁矣日不請查贖大委署中務員亦員懸心

湖南人情刁悍詐偽臣到任以來凡屬官進見
俱諄諄訓誨令其誠實無偽屏除機巧化導百姓
以正風俗即臣於公所聚會之時亦惟以化導人
皇上心轉移風俗之言反覆告誡近聞附省人民漸有
開導愧悔之語尚少俊改之實而遠處人民一時未能
果能清吏治以正民心則地方之雨暘順敘時和年豐
萌由勉强以幾自然仰仗
朕可保其必然也
聖主德威自無不踴躍向善矣

一臣委長協都司謝瓏等復於洞庭湖一帶又拏
積盜秦三等十餘人現在飭審其湘潭武陵亦皆
多盜之地臣當漸次設法查拏至長沙城內拐賣
人口之巨惡李大鵬臣已嚴拏又積盜熊金魚暗
約羽黨屢於常德岳州等處往來盜竊經臣訪實
設法拏獲現飭審究羽黨而長沙以及各府之有
名訟棍與不法長隨竝一切匪類容當次第察拏
以安民生者也

好

一歷來散賑之弊由於姦胥捏造戶口地棍冒領
代領去冬岳常二府散賑臣委道員查賑鄰縣監

殊批諭旨 上 四 趙弘恩

賑之時即詳加指示臣復訪查舞弊之人十餘名去莠方可以茂穀懲惡正所以安良為治之要不外是飭令柳示目今賑務雖畢無甚大弊但恐察拏尚也

有未淨臣仍在留心察查以濟窮黎也

一湖南糧船開運甚遲向來雖文報冬開實係正月盡開行惟雍正六年因糧道楊秘上緊催促故得於十二月二十九日開行臣到任後嚴飭該道實心速辦該道克遵臣訓去年於十二月十一日開行全幫北上矣

一長沙協都司謝瓏擒拏盜匪頗著勤勞今有臣標右營遊擊缺出可否以謝瓏補授其都司員缺

聞

查有長沙協守備仇之苞勤慎諳練堪以補授其守備員缺查有奉聖旨合奏

旨命往臣標候補之苟思賢例應補授臣已與督臣邁

柱會言其不敷當直赴與西交界結去

題統候臣十日驟去承州訊錄筆快之寶案內題益聖裁其錄筆益暗回具心王國赫不無益於本

一湖北提塘袁炎湖南提塘袁熾兄弟二人把持

三省塘務結交諸屬互通信息素稱多事臣前會

告之邁柱已將袁炎革黜所有袁熾經前撫臣王

國棟追繳委牌仍敢把持塘務於新中文武舉子

硃批諭旨

上

聖

趙弘恩

似此不法之徒臣細訪的實現在發司審擬革此二人強索喜錢徒亟當嚴處示儆之後將來北南二省弊端可以漸次清理矣

三王國棟去年十一月初四自湖南回京到武昌

時聞北對賊黨與湖南對賊黨只索二人時

旨令其緝拏逸盜即回長沙王國棟不勝羞愧於本年

正月初七日親往永州府緝拏荆之寶案內逸盜

曾向臣言如其不獲當直抵廣西交界設法協拏

臣命王國棟已內用矣其非殫心竭力并懸大賞難以全獲王國棟

亦欣然領受而去理合奏

聞查查亦具心臣臣王國棟王國棟已內用矣亦欣然領受而去理合奏

一臣准廣東巡撫傅泰咨文拏獲私散劄付姦棍

聖恩李時英等一案到臣臣即飛查各屬有無此等姦

此案乃係一起無賴詐騙之徒耳棍竝密訪嚴拏去訖理合奏

聞謹臬司臣臣王國棟王國棟已內用矣亦欣然領受而去理合奏

旨奏臣臣王國棟王國棟已內用矣亦欣然領受而去理合奏

匪類之為害地方甚於盜賊當於平日留心搜緝何待

粵省咨文始行密訪嚴拏耶此等事在湖南更為切要

不時加意稽察可也臣臣王國棟王國棟已內用矣亦欣然領受而去理合奏

同日又苗匪臣臣王國棟王國棟已內用矣亦欣然領受而去理合奏

旨奏為請查臣臣王國棟王國棟已內用矣亦欣然領受而去理合奏

旨事臣等查湖南衡州府近日盜竊潛聚民情刁悍永
榔等處苗獍雜處俱屬緊要其道員汪梈未能整
飭吏治屏絕姦邪及委署藩司亦不過循繩守墨
而已但其爲人忠厚有餘操守尚好非幹練綏輯
匪賊之員應以京職調用頗稱允協所開道缺查有奉
旨留湖南遇缺題補之原任寶慶府知府許登瀛委署
開蘄臬司清理積案俱稱平允設法拏獲大盜鄒細徠
仔等賊亦屬實心不避嫌怨仰請

聖恩補授衡永榔道缺庶苗疆重地有得人之效矣臣
等未敢擅便伏祈

皇上睿鑒施行謹

奏

所奏是已有旨諭部矣

聖天湖南巡撫臣趙弘恩觀風整俗使臣李徽謹

奏爲奏請

聖訓事臣等准到刑部侍郎杭奕祿咨文奉
旨爾帶曾靜由江寧蘇州至杭州由杭州差人將會靜
送至湖南巡撫衙門令伊回家料理家務畢著伊自
行投到觀風整俗使李徽衙門聽用如伊欲他往不
皇必阻留欽此等因到臣等仰見

皇上聖德如天明竝日月宥一囚而可以絕億萬人爲
逆之心寬一惡而可以開億萬人向善之路臣等
每每宣布無門令其回心改過家鄉畢善地自
聖恩訓化官民凡有血氣之人亦皆歡忻鼓舞至於山
野庸愚蠢頑無靈者恐習久而難化或生疑而從
緩臣等愚見以爲曾靜之感化愧悟係身親目覩
聖天子之人似應令其遍歷鄉村周詳開導庶使蠢頑
無靈之輩聞其言而耳目頓開心胸爽豁或可爲
移風易俗之一助也俟曾靜遍歷之後任其他往
星上不必阻留其曾靜日用臣等量爲捐給合并陳明

奏再臣李徽前同王國棟會

聞奏提塘袁熾已經釋放周楠遞回原籍安插應否如
自應如是袁熾如有別案事故趙弘恩另行提訊可也
是伏祈

皇上批示遵行謹

奏

覽

雍正八年四月初三日湖廣總督臣邁柱湖南巡

撫臣趙弘恩謹

奏爲報明事臣等據新設保靖縣知縣王欽命詳稱

桐油坪民人王應龍等被六里毛狗等寨兇苗石

硃批諭旨

上

四

趙弘恩

當捕等因勒索保寨舊規鹽銀不遂於二月十九
日統領苗衆執械刺傷王師山一人搶擄財物燒
燬房穀等情到臣等伏思王應龍等自改土歸
流之後卽係內地人民石當捕等何得仍索舊規
乃敢肆行剽劫統衆逞兇若使少爲寬縱勢必貽
害地方搶殺之漸斷不可長臣等星飛移飭鎮守
道鎮等察度情形前往擒拏如負固抗拒卽相機
擒剿庶地方得以寧靜理合先行奏

聞謹

奏

切勿輕舉妄動汝等督撫二人再當加詳加慎籌計妥
確然後奏請舉行好大喜功之念萬不可存兩大土

同日又

奏臣等竊思永順府縣等處自改土歸流之後再將
姦惡之舍把頭人革除是各土民皆知安居樂業
之美矣但查六里紅苗尚未輸誠終屬隱慮臣邁
柱前經臣等以糧谷土司之數亦合請營民毋得
奏明應俟永保桑建治立營布置詳備之後緩緩招
撫將來自必向化歸誠已蒙臣貴州之五大營

睿鑒今永順已經設立一府四縣并設協營官兵規模

睿鑒已定則招撫六里之策正須及時籌畫臣等詳加商酌應由六里而至崇山衛直抵貴州之正大營等處逐寨招撫隨地設汛使兩省聲息相通互爲策應其界連川黔各土司之處亦分設營汛毋得聲張并密會川黔二省嚴飭漢土官兵加意防範再有接連鎮筸四營所屬之紅苗地方亦令四營各安塘汛直通六里內外聯絡則六里紅苗孤立其中尤易就化誨至永桑西北施南等各土司係湖北恩施縣管轄其地介於容美西陽兩大土司之中素受容美西陽脇制侵擾多半離心近見永

桑改土之樂亦有觀望之心若恩施縣令得人撫之甚易臣邁柱先因守備鈕正己向爲諸土司所信服特請改補恩施知縣已蒙

皇上恩准現在密令鈕正己留心辦理使此十餘土司盡皆歸化則自湖北之恩施直抵湖南之永順地界接連得成犄角之勢而容美西陽二處中間隔斷使不能爲狼狽之姦矣至於川屬之西陽等土司近連黔楚兩省而附近湖廣者居多去川窻遠湖南諸苗向化之後或可相繼化誨西陽歸化則滇黔川廣各省氣脈相通中無間隔矣目下楚南

先務當以安兵設汛聲應氣通應令道員王柔再
選文職數員從保靖交界之花園土城起自近及
遠逐一招徠由崇山衛等處直與貴州之正大營
相接仍一面於三分耗羨內動支獎賞歸順之苗
使諸苗既感且畏自獲踴躍向化但招撫一處卽
設一處塘汛隨招隨設尤易爲力應選副將及同
知等員弁竝兵一千二百名會同前往酌量安設
分布臣等仍一面相機辦理臣趙弘恩於接會督
臣鄂爾泰時四晝夜詳細言之俱相脗合此係臣
等庸愚所見謹請

皇上教訓遵行謹

奏

事關重大交廷臣議覆後另降諭旨

湖南巡撫臣趙弘恩謹

奏爲奏

聞事竊臣據辰永靖道王柔面稱監收辰關稅務業經
三載已有成局第道署駐劄鎮筵去辰關寫遠須
不時清查苗疆方無貽誤懇請另委別員專司稅
務等語臣思六里地方正在需員料理可否將辰
關稅務改委他員管理之處伏乞

硃批諭旨

上

聖

趙弘恩

皇上訓示遵行再岳常道溫而遜奉

旨清查江南積欠回期尚遠現在署理岳常道長沙府知府孫元辦事明白居官勤慎稽察隄工竝管理鼓鑄俱有條理是以長沙府缺臣前具關題請以候補同知知州之趙侗敷暫為署理但該員現署道州兩月以來查其守雖有餘才幹不足首府衝繁似難久任湖南諸員中一時不能得人懇求

皇上敕部另揀幹員署理長沙府印務庶要缺收得人已有旨諭部矣之效矣謹

奏

覽

同日又

奏為酌留能員恭請

聖訓事竊惟湖南吏治民風皆需整理而守令各官必得熟悉之員目今現任各官半係初試臣雖竭力指示恐一時驟難獲效臣於本省緣事離任各員內查有原任岳州府知府李渭年富力強才能堪任係因按察使何錫祿附夾私稟案內審明止係揭報遲延部議革職繼因顧琛虧空倉穀附參註

冊業已獨賠完結又原任武岡州知州陳率先熟諳苗疆係因推諉盜案降調嗣因史惇化反噬許登瀛案內牽連審明完結現應赴部改補又原任湘陰縣知縣侯國正係因虧空滬穀叅革限內通完

聖題准免罪還職又原任嘉禾縣知縣王惟修安鄉縣知縣胡天界俱係丁憂離任交代清楚現應回籍以上三員亦皆才可辦事熟悉風土可否仰邀

聖恩俯准將王惟修胡天界令其回籍料理喪事後仍速來楚委用陳率先侯國正亦即留楚酌量以知

縣

題補李渭留楚遇有地方公務差委效力俟著有成效另為送部引

見候

旨錄用臣因地方人材起見第與成例未符未敢率

題謹具摺陳草草驗察實情請旨飭部查核其案

皇上訓示遵行謹查前對知縣熱籍躡六里手餘案以

奏巡撫

交部議奏覆到有旨二十六日

雍正八年五月二十六日湖廣總督臣邁柱湖南
巡撫臣趙弘恩謹

奏爲報明事竊查前據保靖縣詳報六里毛狗寨兇
苗石當捕等燒劫桐油坪民王應龍等一案臣等
隨飭移鎮筵道鎮察度情形前往擒拏如負固抗
拒相機擒剿并繕摺奏聞茲據鎮筵臣周一德道臣王柔文報已於四月二
十九日誘獲苗犯石老滿等四名并稱石當捕已
故等情到臣等隨令就近質取確供報酌外所
有獲犯緣由理合奏

聞再臣等另接鎮臣周一德致書移咨竟因此案帶領
遊擊弁兵乘便招撫各里諸苗并已招賞苗目二
十七名臣等以招撫六里現在具

奏自應請

旨辦理未便遽行隨先後移覆令其候
旨遵行其已招之苗仍令撫綏防範去訖又據慈利縣
知縣馬廷相設法擒獲惡棍辛得揚併伊婿劉伯
宰二名其辛鳳來現在嚴緝合并陳明謹

奏

已經就撫之苗衆諭令周一德善爲綏輯切勿因輸稅

奏 蘭帶兵而進倘苗梗化則周一德之兵可撓其背
復令周一德由陽孟寨而進倘苗梗化則王進昌
之兵可擊其後 臣帶提標辰協健兵七百五十名
奏 以爲應援仍復聲揚大兵繼後 臣至鎮筭聞苗衆
大恩俱願就撫 臣宣講

皇仁重加賞賚畢又因向年會勘之鎮筭紅苗內尚有
聖主 實未輸誠者趁此六里苗衆感激

聖慈又見 臣等兵威且周一德向以鎮筭苗日食糧轉
化餘苗因而苗衆服其指使卽令周一德帶兵持
賞又往化誨鎮筭紅苗安設四路塘汛順勢布置

覽

似易爲力也鎮筭紅苗與六里接壤六里與保靖
接壤此番化誨西南一帶可以聲應氣通矣

一六里苗衆歷年陷匿內地人口經 臣化誨之後
聖情願獻出以贖前愆者 臣俱分外給賞并將人口
資給路費飭回原籍此後陸續獻出者 臣當照前
辦理又各苗僉稱康熙五十年間認納雜糧七十
二石八斗四升今雖內有撥歸黔省寨戶而楚屬
苗民情願仍照原額均納情詞懇切可否仰邀
聖慈特予寬免一年以獎向化之誠此 臣庸愚之見伏

候

硃批諭旨

上

五

趙弘恩

具本題奏
睿鑒施行

一臣自議撫六里之後辰永道王柔鎮筭鎮周一
德副將楊凱辰州府白豐互相稟揭非好大喜功
卽私相妬忌臣已屢加訓飭及臣抵六里又見彼
等量小識卑爭長卸過種種不合之處臣或厲色
訓誡或婉轉開導宣揚
果已和衷辦事又何必奏聞於朕
聖訓至再至三彼等亦知愧悔皆和衷辦事矣

一六里毛狗寨兇苗石當捕等燒劫保靖縣民王
應龍一案臣於招撫六里之時據王柔稟稱受傷
之王師山已愈而行兇之石宜三被傷身死石張

聞是

四在監病故請將無辜之彭老聳等釋放其起事
之石老滿柳責完結等情到臣臣思石老滿等所
犯在未經化誨設官以前似應從寬完結於招撫
安設之事庶無畏縮隨飭令王柔照議發落理合
奏

一臣往六里之時時值嚴冬隨往文武員弁兵丁
遇有衣帽盤費無備者臣仰體
皇仁量加資助又自長沙以至辰州若令各自雇船不
無爭鬪擾民之事臣俱照依時價代雇船隻又添

補一切軍裝器械又賞賚隨臣進撫兵丁及沿途各營兵弁又賞給獻出人口之苗及備辦藥物等項臣俱飭委辦錢糧之靖州知州楊輔臣暫動公項應付共二千五百九十三兩零將來未便開銷報部已飭糧道刁承祖於臣養廉內扣除解交藩庫以歸原款庶公項不致牽混也謹

奏

此等處雜費應動支公用項下銀兩者

雍正九年正月二十八日湖南巡撫臣趙弘恩謹奏一直隸靖州處湖南極邊爲黔省咽喉民苗雜處

最關緊要武職已設協治而文員止設知州未足以資彈壓且既有催科之責復有統率屬縣之任兼顧維艱臣愚以爲似應將靖州改立府治府城添設一縣同原屬之綏會通三縣歸知府統轄該州額徵錢糧等事歸新縣徵辦旣設府縣則州判應改府通判并添改府縣首領佐雜以成一府一縣之制似於邊疆有益但事關更制未識當否伏乞

皇上訓示如蒙俯允其應補知府有現任靖州知州楊輔臣任靖有年苗疆熟諳以之授此新設知府人

地相宜合併陳明統乞請以之選北陳明統人
聖訓以便揀選應補通判知縣等官及一切事宜彙疏
另

題

一湖南一省幅員遼濶江湖寬廣長沙乃省會重
地居兩粵之下游爲洞庭之鎖鑰岳州常德各有
水師一在湖之北一在湖之西相距甚遙臣愚以
爲似應於長沙添設水師營即可扼守兩粵更可
聯絡岳常水師於地方有益其官兵船隻倣照岳
常之例設備事關添設營治未識當否伏乞

皇上訓示遵行謹

奏

此皆地方緊要重大事務應與督提悉心籌計再四商
妥然後舉行今據一己之見率爾具摺奏請甚屬孟浪
雍正九年三月初七日湖南巡撫臣趙弘恩謹
聞奏一欽奉

上諭頒發銀二十萬兩於洞庭湖舵桿洲建築石臺以
爲舟船停泊避風之所臣於二月二十七日抵岳
望恩州會同督臣邁柱往勘舵桿洲建築石臺基址竊
洞庭大湖當此仲春尚爾浩渺無涯夏秋泛漲洵

硃批諭旨

上

聖

趙弘恩

屬危險今蒙

聖恩頒帑建臺從此行舟商賈永無覆溺之虞誠補千

萬年之缺陷臣等現在遴員辦理其估計工料冊

覽另行核實奏請所有往勘緣由相應奏

聞奏一燈奉

一荊州府鈔關向來設於通達川省之外江沙市

稽查川楚商販出入上而彝陵下而郝穴設立關

口而內河之草市等處亦設關卡止抵荊州之貨

奏船一槩徵收船稅相沿雖久現今各官亦無侵隱

但貨船到荊知府已徵落地稅鈔關又徵此船稅

以致諸物價值昂於他郡兵民實多拮据商販亦

奏苦煩擾臣懇

聖恩俯將荊州鈔關移設彝陵州將自楚往川船隻及

自川來楚船隻竹木照舊權稅其餘各關口槩行

裁撤貨物仍聽知府照舊徵收落地稅銀所有鈔

關船木稅

恩施免徵則彝陵咽喉重地稽察權稅兩有實際而荆

郡兵民商販頂沐

聖主蠲賦惠養之殊施實無紀極臣因仰體

應言之督臣邁柱於王士俊到任後公同悉心酌議具

皇仁雖事屬隔省不避忌嫌據實直陳如有可採伏乞

殊批諭旨

上

奏

趙弘恩

奏
皇上特敕施行

一臣於三月初二日接准部咨奉

旨山西按察使員缺著溫而遜補授欽此所有署岳常
道長沙府孫元督理堤工兼管鼓鑄盡職無誤署

長沙府戶部郎中魚海源辦事勤慎懇請

聖恩准其實授庶兩缺收專責之任矣

旨湖南入春以來雨水均調米價亦平合併陳明

聖恩謹

奏

湖南雨水米價情形知道了

雍正九年七月初三日湖廣總督臣邁柱湖南巡

奏撫臣趙弘恩謹

奏為遵

旨密奏事本年五月初三日臣接大學士公馬爾賽等

土簡寄信雍正九年四月初九日奉

上諭桂陽州縣等處舊經開採之礦及附近省會多產

米糧之州縣或果有益商民兼資鼓鑄令趙弘恩會

同邁柱確查定議具摺密奏請旨等因欽此臣趙弘

恩隨札商督臣邁柱以桂陽臨武綏寧三州縣議

以開採商得謀利民得謀食所獲銅鉛又可以資

硃批諭旨

上

至

趙弘恩

鼓鑄涇邁柱以地方所係事尤重大開此三處雖
選召殷商募用本地人夫且禁官役親識衿棍攬
同越等弊立法固善然利之所在人所必趨法令雖
米嚴弊難悉除爲日既久外籍不能拒其不來食口
土餉既多米價恐貴臣等查前於三月十一日奉到
上諭臣趙弘恩一面奏請仍一面飛飭將現開之五處
旨密於兩月之內陸續停止去後今俱已停止封禁文
奏報在案臣等合詞議

奏謹遵

諭旨俟黔省之稿坪古州寧帖後再行請

訓遵行謹

奏

停止開採甚是向後似此貪利之事不可輕舉妄動

聖恩雍正九年十月初十日湖南巡撫臣趙弘恩謹

奏一鎮算鎮臣周一德奉

旨來京

陛見派往北路軍前臣隨飭司於公項內借支共銀一
千兩給與製備行裝盤費之用其伊家口在楚所

需養廉等項亦飭司酌議寬裕支給以副

聖慈臣等辦理此一事錯謬之至

硃批諭旨

上

奏

趙弘恩

聖慈一鎮算鎮印務已經督臣

題委承順副將楊凱署理楊凱係頗諳苗情之人但

性不安靜臣惟與督提二臣時加囑勸務期文武

和衷不得因循廢弛亦不可恃才苛求以冀寧謐

留心試用看

一聖庸愚荷蒙

聖恩教誨竝諭臣效法滇省督臣鄂爾泰公忠報效

高厚深恩粉身難報今鄂爾泰進京

陛見十一月中旬可抵常德府臣擬臨期前往悉心請

若能心悅誠服實力體驗方能有效徒於外像施設間

請教亦復何益之有
皇上諄諄訓誨之至意理合奏

聞

一從前採試桂東等處礦廠行據司道查報併據

彼地文武員弁具結回稱實係有籍民人竝非惠

州礦徒自封閉之日立即各歸安業地方寧靜等

情臣覆察無異除仍飭令時加稽查勿致復聚偷

挖外理合奏

聞

一如再不臣勉自新則為下愚之輩矣

練為人道糧道李正茂存心忠厚臣委其勸諭

硃批諭旨

上

堯

趙弘恩

改移否也

百姓補種晚稻雜糧頗屬急公合併陳明

一楊永斌諳練老成實心急公可勝鉅任前往廣

東時因彼地盜賊繁多官不和衷與臣商酌臣囑

其懸賞捕緝治首惡以安餘黨和衷感化推誠信

而息機械近復詳細札商臣隨一一指示併囑公

忠二字刻不可忘每有人言廣東勤於操兵已有

和衷共事景象積久諒自潛移默化臣有所聞理

合奏

聞謹

奏

覽

雍正九年十二月初三日湖南巡撫臣趙弘恩謹

奏一臣於十一月初九日自長沙起身於二十四日

接見滇省督臣鄂爾泰相聚一晝夜將臣所辦事

宜詳細商酌請教凡居心行事鄂爾泰無不一一

指示臣覺茅塞愈開惟有敬法其公忠報

主竭此血誠於不息也今於十二月初一日回長理合

將回署日期具摺奏

聞

一湖南連歲有收人民安業文武官員俱以去偽

殊批諭旨

上

卒

趙弘恩

去偽存誠為榮猜嫌欺詐為恥將此二語且自加勉至
於文武通省之眾姑徐言之
激

皇上諄諄訓誨之恩不肯各失其天良也臣時加觀察
莫貽掩耳盜鈴之誚凡此蓋緣數年以來汝之性情好
惡一切伎倆皆被屬員窺破故作是語以欺汝耳此正
汝之聞見不及從前處否則湖南何以移風易俗至於
如斯之稿坪仰仗汝矜肆若是竟視為已治已安朕深憂
天威振及鄰寨六里諸苗愈加震恐而不敢妄生異志
汝必有不妥協事隨之也如其不然或係有心粉飾以
誑奏於朕則汝更屬不可問矣敬慎思之
聞

一湖南武陵湘鄉湘陰平江巴陵五縣自康熙五

聖恩十九年至雍正六年共積欠銀四萬三千一百四

奏十六兩零近因年歲有收百姓感激

交納錢糧乃地方平常事且通省皆有何須專指此五

聖恩爭相交納共完過三萬六千餘兩現今下欠六千

縣奏聞耶
聖恩三百餘兩漸次自能清結也謹

覽
實對平

具五同日又

天奏為恭謝

天恩事竊臣前遣臣子趙松紋齎摺赴京懇求

聖主恩發跟隨侍衛班聯習學規矩荷蒙

殊批諭旨

上

空

趙弘恩

聖慈卽賜題詞特賞褒獎
召見更蒙

天恩遣回任所教管俟二三年後再送來引

見臣接奏事張文彬等來字不勝感激惶悚臣子松紋
實係平庸不堪惟有恪遵

聖訓嚴行教管以仰副

皇上格外生成之殊恩所有臣及臣子感激微忱謹具

摺

奏謝伏乞

聖鑒謹

奏

汝子松紋實可謂朽木之質不堪雕琢也

雍正十年正月十六日湖南巡撫臣趙弘恩謹

奏竊照湖南歷年自十月後至三月間陰雨不晴冬

令偶有小雪正二月大雪去年三冬共有大雪三

次每次雪後卽晴明數日黃童白叟爭云自

皇上恩加南民時頒

聖訓諄諄告誡百姓皆知改過遷善是以感動

天和應時落雪雪後卽晴小民易於貿易營生喜逾尋常

同聲異口至於今歲豐收雖難預料臣惟謹遵

硃批諭旨

上

空

趙弘恩

聖訓實心實政念切民瘼時加修省以召
天和所有去冬雨雪應時百姓感戴實
聖慈情形理合奏

聞謹恩賦南見

奏

湖南得雪情形以手加額覽焉

奏雍正十年閏五月初七日湖南巡撫趙弘恩謹

奏爲據實奏

聞事本年四月十二日准戶部咨據辰永道王柔條奏

請令腹內農民分發苗地墾荒五金礦廠准令採

取樹木分別畜伐田地按則徵糧等款經大學士

鄂爾泰等議覆王柔所稱按則徵糧苗土心願樂

從但滇黔從無按畝輸糧之例今湖南苗疆事屬

創始應交與邁柱趙弘恩秉公商酌查明本地實

在情形悉心妥議具奏奉

旨依議欽此等因到臣臣查永順苗土諸人昔受土司

殘虐自相仇殺荷蒙

天恩俯准歸流兩載以來內外寧靜凡屬臣工自當因

其利以利之庶可消其貪惡狡詐之故習啓其尊

君親上之天良臣前冬親往六里時見永保一帶苗人

殊批諭旨

上

奎

趙弘恩

鳩形鵠面鶉衣赤體者不可數計蓋因殘虐仇殺
以來元氣未甦不能盡力隴畝竝非不諳耕種而
必藉腹內農民指授也故臣屢飭勸墾又據臬司
胡瀛條陳批令清查請給公項資助牛種行之既
久自無曠土其添設之官兵原係內地食粟人口
王柔所稱價昂民累兵苦苗蠶之慮甚屬不經腹
內農民自有恒產現在腹內荒地人力尚不能盡
良善之民又焉肯離鄉冒險出資買墾其趨利而
入者勢必強悍無賴之輩侵佔爭鬪唆苗爲非爲
患滋大王柔所請招民開墾之處合之本地實在

情形於漢於苗均無裨益而有後患又五金礦廠
久經封禁且苗礦雜產硫磺恐滋爭鬪王柔所請
採取之處合之本地實在情形不獨無益而有後
患又山林樹木砍伐出售原未禁止商運過關亦
俱抽稅王柔所請伐木輸稅之處不獨含混亦屬
贅詞又田地按畝徵糧查昔年苗土不得與內地
人民同享安寧之福今幸歸流受撫自不忍按畝

備旨陞科故前蒙

聖主浩蕩天恩特免勘丈令照原額均攤苗土感激莫
可名言夫按畝科糧較之原額多寡有霄壤之分

人情喜愠亦瞭如指掌尚云心願樂從斷無是理
聖主王柔所請按畝徵糧之處既違
諭旨復擾苗邊凡此數處皆臣身經目覩實在情形除
密行兩司轉飭查議竝飭不得洩漏致苗土疑畏
以啓邊釁臣復咨商督臣邁柱另行會
題外理合據實奏

聞謹

奏

所奏是王柔雖識見淺狹秉性粗直然肯勇往效力操
守頗廉猶係難得之員當加寬容惜其所長勉其不逮

而用之母事吹毛求疵從來上司屬員辦事不克和衷
於地方無益也

雍正十年六月二十七日湖南巡撫臣趙弘恩謹
奏一湖南南嶽爲我

皇上主壽之山康熙四十三年內蒙

聖祖仁皇帝遣官致祭隨經前任撫臣趙申喬

題明北南各官捐俸修建殿宇碑亭竝

御書樓藏經閣數處歷今年久多有朽壞滲漏應需修理
前據該縣詳報臣隨批行布政司委令衡永郴道
許登瀛親勘估計造冊前來查捐輸俸工久奉禁

止其估計工料需銀八千四百餘兩據北南二省
藩司會詳於北南公項銀內各半動支給發興修
恭祝

皇上無疆之壽等因到臣除會同湖廣督臣邁柱湖北

撫臣王士俊咨明戶工二部外理合奏
好仍候另有諭旨
聞

一湖南早稻收成分數長沙府屬十分者十之一
九分者十之五八分者十之二七分者十之二衡
州府屬十分者十之二九分者十之三八分者十
之五永州府屬十分者十之四八分者十之六寶

慶府屬十分者十之二九分者十之四八分者十
之四岳州府屬九分者十之三八分者十之四七
分者十之三常德府屬俱有八分辰州府屬十分
奏者十之四八分者十之六永順府屬八分者十之
五七分者十之五澧州屬俱有八分郴州屬十分
者十之二九分者十之三八分者十之五靖州屬
奏十分者十之二九分者十之四八分者十之四各
府州屬上米每石價銀六錢起至七錢不等中米
每石價銀五錢五六分起至六錢五六分不等一
切麥豆雜糧價值俱各平減鹽每包價銀一錢五

六七八分不等自四月至六月各府州屬雨水霑

足理合奏正德五十六年秋至六年秋不

以手加額覽之

聞謹正德五十六年秋至六年秋不

覽奏俱悉正德五十六年秋至六年秋不

雍正十年八月初三日湖南巡撫臣趙弘恩謹

奏正德五十六年秋至六年秋不

緒稟稱訪得四川酉陽司官拏獲姚世臣等五人

搜出偽劄及偽印供稱遍歷各省交結匪徒等語

臣立即飛飭各屬文武官員嚴加查緝根究勿使

固不宜縱役借端擾民更不宜虛張聲勢反致匪徒聞

風逸藏匿潛逸竝不許縱役擾民借端生事以致株連

無辜臣仍暗加察訪務期地方寧謐理合奏

聞

一七月二十九日永綏同知李珣詳稱六里連歲

收成苗民感激

天恩歡欣樂業該同知會同副將張崔照依內地州縣

定制分爲四鄉八里按里清編煙戶設立甲長共

奏計二萬七千六百五十二名口數月以來苗民知

聖廟有法度亦相遵守等語并造冊到臣臣當加獎諭

竝密囑新任同知永泰不可因有小效少加疎忽

殊批諭旨

上

奎

趙弘恩

仍不時謹慎防範外臣亦留心稽察當無厯
聖懷也謹

奏

覽

雍正十年九月初七日湖南巡撫臣趙弘恩謹

奏一今歲湖南文闈自八月初六日起至十七日天

氣晴明臣率同提調道李正茂監試道孫元細心
辦理飲食豐足宣傳

聖慈士子欣悅感頌

皇仁毫不多事理合奏

好聞

一新例內外簾官不用本省現任州縣於隣省調
取進士舉人及奉發本省試用學習之員法至善
也但彼等俱係未經出仕之員隨從竝無書役查
內簾不過看文呈薦無須書役至外簾五所皆有
登號起批解卷巡緝之事必需書役使用臣於今
科入闈之日卽調取附近府縣書役二十人分派
五所聽用應請

聖恩飭諭各省嗣後預爲調撥書吏十人衙役十人先
行封鎖臨時派至各所供役似於外簾更有裨益

殊批諭旨

上

矣

趙弘恩

不必特行飭諭者也

一條例內五經卷有另編字號之例各省或有將坐號編入一號者臣思五經一途原取實學之士若五經編坐一號止須五人各治一經合來改頭換面五人皆成五經矣臣今科將五經坐號分散各處以杜湊換之弊交卷後始另編字號以便中選應請

皇上敕下各省嗣後五經坐號不許編入一處庶所得緊要關係亦不在此

一臣前奏修葺南嶽廟宇荷蒙

上諭訓誨臣歡欣捧誦不獨茅塞頓開實覺理明心暢

仰見

聖慈時時以億萬臣民為念當即大張告示遍諭楚民

奉而省中百姓交云

皇上因南嶽之神佑民豐歲即

敕興修老少歡呼同聲異口臣已委令衡州府給發銀務令堅固完整以垂永久勿致草率從事侵冒開銷徒兩衙同知專司監修衡永道不時稽查臣仍時差飽不肖官吏之貪腹察驗敬謹辦理也

湖南晚稻之後百姓從不冬耕去歲經臣通飭

補種雜糧并委糧道李正茂親行勸諭亦有補種

殊批諭旨

上

亮

趙弘恩

者春間收穫人情踴躍今歲八月間臣與李正茂復行捐種一百二十石分賞農民現在爭相耕種數年之間交相儆法南民益享充足之利矣謹

奏

覽

皇

奏為奏中百校交元

聞事竊查岳州府平江縣僧人被殺一事身有五傷該縣李鳳生驗報自殺該府崔玲審以疑竇多端請上備員另審臬司胡瀛詳改委員審係關毆觀風整俗

使李徽云係自殺仍應竝參知府經臬司審以身有五傷難云自殺知府竝未成招定擬難以竝劾因此李徽向胡瀛有操戈之勢臣嚴飭胡瀛和衷忍氣隨臣入闈之後李徽於十六日咨查胡烈賭博李陞命案二事二十五日親到闈中力責胡瀛二十八日具本題參移送揭帖到臣臣見所劾不確於出闈之日已經分晰具

題在案無庸瀆陳外臣知李徽素性迂腐事不諳練李徽因其天良未失是以三年共事去短取長婉轉感

殊批諭旨

上

七

趙弘恩

聖恩簡命雜職二十員來南隨時差委遇缺署試謹

奏

該部知道田人員與已

雍正十年十二月初四日湖南巡撫臣趙弘恩謹

奏一今歲湖南各屬俱係收成米價甚平人民樂業

因江蘇商販米穀過多以致長沙米價驟長至九

錢一兩不等經臣出示并咨商督臣北撫臣暫停

江蘇販運之役米價仍復漸減并咨江蘇撫臣如

需米穀差員來楚動支倉儲售濟庶北南江蘇三

省百姓食米之價俱平而姦販不致囤積網利矣

此條業命廷臣議覆將所議併發遵照行之

一六里自勸種之後苗人踴躍從事文武諸員時
時宣布

皇仁苗人頗有感激情形昨因貴州臺鞏兇苗不法臣

聖恐見隙生釁致滋事端當即密飭加謹防範留心
所見是無論苗性反覆與否總宜不時查探以備不虞
查看據云安分樂業毫無異志然苗性反覆無常

臣惟不時查探防範以期無虞也

甫云反覆無常又言似無意外之慮何前後矛盾若此
一承順保靖桑植等處土人久已安分近因漢苗
但不時查探防範可也
結親義學誦讀益覺感激循分似無意外之慮矣

旨令貴州九股苗人不法已經攻勦數寨所調楚兵

准文撤回在案茲於十二月初一日復准常德提

殊批諭旨

上

三

趙弘恩

臣張正興以奉

旨令貴州提臣哈元生回黔恐哈元生經由常德卽需帶兵前往已預派湖南兵丁二千名伺候等語密移到臣查所派卽係前撥赴黔官兵前已借銀製就行裝當飭不得花費至需用糧草夫船亦飭所屬一體預備無厯

好聖懷也

一前因苗土多荒飭令各屬勸苗開墾并動公項給發牛種一年以來漸次樂於從事茲有寶慶府觀鄧鈺似一實心任事之員當加以獎勵邵陽縣猺山向因土寒苗懶該知縣鄧鈺於今歲

三月間親詣各崗發給籽粒所種數處均有五六分收成臣復令該知縣再爲親行查勸播傳

聖恩該知縣於十月間親歷一十六崗賞給花紅各苗鼓舞踴躍開墾因於其地見產靈芝一本卽以此芝廣行開導宣布

皇仁苗情更覺歡暢迥異尋常理合奏

聞靈芝一本敬呈

御覽

奏

一交冬以來雨雪應時於十二月初一初二等日連得大雪理合奏

殊批諭旨

上

三

趙弘恩

以手如額覽之
聞謹

奏

遜條批諭矣

雍正十一年正月十八日湖廣總督臣邁柱湖南

巡撫臣趙弘恩謹

奏為請

旨事竊查常德府知府王葉滋現經臣等

題補辰永靖道其所遺常德府知府員缺不在

題補之列但常郡為楚省南北咽喉滇黔要路商民

繁庶政務紛紜非強幹勤練之員未足勝任查有

去永順府同知張廷慶才猷敏練措置咸宜若補授

常德府知府洵為人地相稱其永順同知員缺有

寶慶府通判朱汝珩明白勤慎歷任五載熟悉苗

情以之補授永順同知亦能勝任其寶慶府通判

員缺應歸部選臣等因地方需才起見理合具摺

會

奏請

旨謹

奏

該部議奏

殊批諭旨

上

書

趙弘恩

雍正十一年二月初十日湖南巡撫臣趙弘恩謹
奏一臣前因楚米販運過多米價驟長恐江蘇聞風
愈加高擡時價隨一面出示并咨商督臣北撫臣
暫停商販以平市價一面移咨江蘇撫臣將楚省
倉儲售運以濟江蘇民食嗣因楚價稍平臣卽令
將百石以內者仍許販運并經督臣通飭停收捐
監穀石乃又欽蒙

特敕川省速弛米禁楚食更可通融臣又遍飭無論江
蘇湖北商販千百石內外槩聽販運在案至臣前
奏將倉儲售運江蘇係爲江省平糶之用吳楚百姓

皆屬

聖主之赤子各省倉糧皆屬

國家之蓄積臣惟恪遵

聖訓現往江蘇商酌隨時辦理彼此兼濟以副
好
聖慈也

一黔省九股逆苗不法調集楚粵官兵協勦糧餉
寧可多備鄰省理應代籌臣自去冬已飭距黔最
近之沅州多動倉穀碾米運濟據報准鎮遠府覆
稱黔糧尚足供支俟需米起運在案茲准貴州撫
臣元展成咨撥倉米一萬石臣隨於近黔之沅陵

等縣倉撥穀碾運猶恐稍需時日又將沅州前次碾就之米先行解濟仍卽於沅陵等縣碾米數內扣還其沅陵等州縣動碾之穀亦卽於常長衡三府倉撥補庶沅州仍有預備而沅陵等倉仍然充實臣仍不時偵探倘再需米自當再行撥運又思黔省當此用兵之際諸費浩繁庫藏或有不敷查現撥湖南協濟黔省雍正十一年兵餉二十餘萬兩部行四月完半今未便仍循往例臣已督令布政使張璨儘數先動銀一十六萬八千餘兩飛調委員尅日解黔俾得通融接濟此黔省糧餉二項

似可無慮

可嘉
聖懷也

一湖南通省雍正十年十月起至本年二月各屬俱得雨雪沾足春耕大有裨益現在上米每石價銀八錢四五分起至九錢一二分不等中米每石七錢七八分起至八錢三四分不等穀每石三錢五六分起至四錢三四分不等理合奏

聞謹

奏

凡此雨雪之調順米穀之豐裕皆緣汝等大吏公忠秉

殊批諭旨

上

去

趙弘恩

心獲邀

上天錫祐之所致勉之莫稍肆志愈加寅畏可也

雍正十一年七月初二日湖南巡撫臣趙弘恩謹

奏一湖南錢糧從前每屆

奏期必拖欠五六萬至十餘萬兩不等雍正十年額

徵充餉銀九十四萬有零臣飭藩司張璨及有司

善為勸納勿事差擾刑比茲當

奏銷之期已完銀九十二萬餘兩內有五十六州縣

衛全數通完惟湘鄉衡陽平江等十一縣共尾欠

銀一萬八千一百四十六兩零伏思湖南百姓荷

蒙 聖訓頻頒至周極渥數載以來漸有返樸還淳之機看

果因懷德而樂輸抑或畏威而上納尚在疑似之間何

乃偶獲小效遂爾肆志矜能移風易俗豈汝輩俗吏數

載施為親敬長之道或亦漸知篤厚臣謹據實陳奏聊慰

聖主日望南民改過遷善以期一道同風之慈懷

十查湖南長靖等十二府州屬雍正十年分早

稻收成分數內長沙府屬十分者十分之一九分者

十分之九衡州府屬十分者十分之三九分者十分之三

八分者十分之四永州府屬八分者十分之四七分者

十分之六寶慶府屬十分者十分之六九分者十分之四

岳州府屬九分者十之三八分者十之四七分者
十之三常德府屬八分者十之二七分者十之八
辰州府屬實有八分永順府屬九分者十之五八
分者十之五澧州屬實有八分桂陽州屬十分者
十之四九分者十之六郴州屬十分者十之二九
分者十之四八分者十之四各府州屬上米每石
價銀八錢一二分起至九錢不等中米每石價銀
七錢一二分起至八錢不等稻穀每石價銀三錢
七八分起至四錢三四分不等黃豆每石價銀八
錢二三分起至八錢八九分不等菜豆每石價銀

八錢四五分起至八錢七八分九錢不等大麥每
石價銀四錢七八分起至五錢一二分不等小麥
每石價銀八錢一二分起至九錢不等鹽每包價
銀一錢六七八九分不等自四月至六月各府州
屬雨水充足理合奏
秋成後一歲豐歉方敢確定母因早稻之收遽生狂念
聞

一今歲湖南各屬雨水均調高下田地俱獲收成
雖值青黃不接之時米價照常惟據巴陵臨湘二
縣報稱五月底雨水稍多川水陡漲所屬濱江近
湖最低之田間被淹浸又據華容縣報稱近湖伍

張兔湖等垸間被衝損旋即搶築并據各該縣咸稱水勢若消落迅速則受淹之禾仍有薄收且可補種晚稻民俱得所等情臣隨飭委幹員前往確勘撫恤去訖是否成災俟勘覆另報又據永順保靖二縣報稱四月二十九等日陰雨連綿溪水湧漲溪邊稻田間被淹衝合計百餘畝因係山水旋漲旋消民間當即修整補插竝不成災其永桑新修城垣土性未定水浸間有塌處現在修補等情臣俱飭行確查去訖又查自六月初連日晴明水勢漸消理合并奏

聞謹

奏亦隨辦木料並飭勘覆臣聞水國一國舉計以安狂則其徵恒雨觀汝所奏頗露自滿之意朕甚憂秋霖或有害稼之虞也

備旨雍正十一年七月二十四日湖南巡撫臣趙弘恩

謹

奏一於六月初七日接太學士張廷玉寄字奉平上諭據雲南布政使陳弘謀條奏長沙至永州一帶縉路令臣轉飭查勘斟酌修築等因欽此臣查湖南東路由長沙至衡永西路由常德至辰靖多係兩山

夾河一水中流挽舟緯路隨水消長水長則登山
越嶺水退則沿河傍灘其間又有支河小港水溝
土儲缺口爲之間隔緯夫行走實屬艱難蓋因夏間水
漲傍河緯路瀰漫則水退必須再修冬春水平沿
山緯路蒙茸則水長仍須修理今蒙

諭旨臣卽委員分往兩路會同各地方官逐細查勘將
兩岸險峻不平之山路再量鑿寬平其沿途支河
小港原通舟楫難以搭橋外將深溝缺口難行者
亦酌搭木橋非係通洩民田水口可以填築者卽
行填築尚在水底者俟冬間水涸一例舉行以安

利涉此次動支司庫公項嗣後仍應責成地方官
開道路以安行旅自係善政然必久遠利濟暫勞永
逸方不虛此舉也
聖主利濟商民之至意也

一臣查巴陵臨湘華容三縣本年五月底雨澤稍
多川水陡漲低田間被淹損委員確勘撫恤臣前
彙摺具

奏明茲據司府并各委員勘覆被水之處甚少華邑
衝損之堤亦在修補俱不成災轉報前來臣與督
臣邁柱商酌雖據勘不成災然收成未免歉薄而
聖慈華容被水之民更有修堤之役隨仰體

聖慈分別酌動公項令該府督同各該縣寬裕賞賚加
意撫恤三縣百姓俱無失所之慮矣又查長沙湘
陰瀏陽益陽等縣山多溪窄之處驟雨消洩不及
奏沿河低窪地方零星漫漫田廬路堤數段旋漲旋
消又長沙有淹斃男婦大小三十四名口湘陰龍
姓一家二十一口瀏陽男婦一十三口益陽男婦
六口皆因住近山脚黑夜起蛟衝淹壓斃雖稱俱
聖主屬山鄉常有之事但民瘼攸關臣據報亦卽商之
督臣委員動項分往將被淹田廬及淹斃人口各
戶分別從厚賑恤逐一確勘其華容報有雨水續

大浸之處亦令併賑再勘并通查各屬統候勘覆另
報理合一併奏

聞謹

皇奏

詳確查勘加意撫恤毋忽

雍正十一年九月十六日湖南巡撫臣趙弘恩謹

奏爲遵

旨明白回奏事恭讀

硃批目今醜虜未平正當軍需浩繁之際直省督撫在
廷諸臣莫不以節省浮費爲適時要務而汝獨云現

硃批諭旨

上

全

趙弘恩

今經費敷足不知具何確見而爲此侈泰之言其明
白回奏以匡朕之不逮欽此臣不勝惶恐戰慄之至
總緣臣識見短淺管窺眇小但只就湖南一省而
言未能通盤籌算一時冒昧輕率遂以敷足之語
入
奏仰荷

皇上指訓以期臣由此漸歸老練謹飭之地捧讀再四
赧顏汗背愧感交加惟自咎臣前

奏之謬更不覺愈感

天恩訓誨生成之切也臣謹據實覆

奏伏乞

睿鑒謹

奏

非識見短淺乃公私二字審辨未清耳若視國事如家
事何至有此謬論根本處少差則枝葉俱謬但務本莫
逐末誌之

雍正十二年正月十二日署理江南總督印務臣

趙弘恩謹

奏一江蘇一省民情頗多虛浮風俗爭尚奢侈自昔
相沿驟難全改臣惟勤宣

殊批諭旨

上

全

趙弘恩

改易風習要在潛移默化不宜欲速若立異見奇有意
聖訓誠實無偽身先節儉并遇事勸勉以冀漸移習俗
浩譽翻成勞擾之舉於吏治民俗均屬無益
聊盡臣職於萬一也

一江蘇海防關係緊要臣風聞運米出洋之弊尚
此事亟應盡力察禁多方留心務絕弊竇
未悉除但恐所聞未確不敢輕舉率動除仍一面

照例禁飭外容臣藉巡視海汛親往察度情形并
高其倬惟恃其老練潔身自便非精白純臣南天祥期
與管理蘇撫臣高其倬提臣南天祥密加商籌期
隨風轉舵之輩向此二人密加商籌非但無補且恐搖
惑汝之居心行事也加意體訪設法為之可耳
聖訓遵行

一江蘇吏治營伍亦須整飭其員弁兵丁習成虛
兵弁奢靡之習尤為不宜當殫竭心力徹底整頓
華奢靡者極力勸誠以期端本清源

一江蘇安慶江西三省俱報得雪惟最遠之信豐
等數縣尚未報到三省米價亦平百姓咸感

皇仁權忻樂業至崇明常熟等縣雍正十年偶被海潮
業經賑蠲更蒙

聖恩普例加賑百姓咸遂安全上年雖有偏禨然各處
俱有收成且已撥穀備糶其安慶之宿州靈璧等
四州縣江西之新淦等七縣各報被水亦俱賑恤
是三省督撫諸臣俱仰體

聖慈已經料理再恐青黃不接之際民食價昂或鄉農
種籽間有不足重又已密札各該屬或動社倉出

借或將常平倉糧破例多糶或常平社倉無存又
備糶之穀未敷再量為動項買運分糶以平市價
偶有鄰民入境給費慰送回籍倘有衿棍藉名強
買強借摘拏解懲一切事宜隨地隨時盡心辦理
務使百姓普沾樂利仰副
好
聖懷
一江省積欠當照案催徵恐新餉復有包侵亦在
皇上察防其鹽政以完課疏引恤商便民為要若妄拏
貧難小民縱放大夥私販以及商鹽故意逗遛長
價或船戶盜賣捏報淹消種種弊端俱當剔除但

臣新任此等事宜與兩淮是否猶有前弊尚未深
高斌頗具忠誠之志乃實心任事之人舉凡鹽政利弊
悉鹽臣高斌為人明白辦事實心臣當與之和衷
與伊和衷籌計料不至有差謬
共濟以期商民兩便再兩淮辛壬二綱尾鹽現在

督銷又揚州三汊河一帶為漕鹽經由之地臣現
在禁革積弊督令挑濬深通理合一併妥為善舉

奏明

一江寧省城於正月初四初五連日得雪合併陳
明謹

奏

覽

殊批諭旨

上

齒

趙弘恩

同日又

奏一安慶一省民情似屬醇厚比之蘇松實有不同

然醇厚之中又有粗悍詐偽之輩漸次化導或易
凡事不可預存難易之想但勇往直前秉忠循理辦去
為力

一安慶省內鳳陽亳州潁州三府州屬盜案更多

必須密察積匪窩線實跡嚴拏懲治以安良善現
甚是

在密飭文武員弁妥辦

一安慶省屬水陸塘汛不甚嚴緊而江西安慶交
江省塘汛莫不皆然總之朕御極十二年以來兩江直
隸竟未得人整理其廢弛疎玩處易勝枚舉今直隸賴
查修添塘船但必須兵丁實在操駕遊巡方有實

李衛督治可望大有起色兩江則觀汝之能與不能肯
與不肯也
盜息民安

一安慶文武員弁多務虛不實經撫臣徐本懲戒

之後頗知儆惕而守令以及微員間有受賄徇情

之事徵收漕米積弊現今亦有未概除者容臣細

加察訪分別叅究勸飭以副

是
聖主澄清吏治之至意

一淮安慶撫臣徐本以安省收漕甚早奉

旨改折之文到省已經徵收者多今應作何半本半折

等因札商前來臣以雍正十一年漕米改折乃欽

蒙

聖主愛惜江南民力接濟江南民食之殊恩管理蘇撫
臣高其倬現將未奉

上諭之先早完過半之米仍通行起運則安省已徵之

米如果乾圓潔淨似應一例兌運或恐將來米價
昂貴應否仍須量為截漕若干又在隨地斟酌仰

副

自應隨時制宜
聖主接濟民食之恩似屬兩全等因札覆撫臣徐本酌

行去訖理合陳明謹

奏

覽

同日又

奏一江西一省民多儉樸亦有數處刁悍動輒聚集

抗官臣雖素有所聞未能深知昨過九江一帶詳

刁悍之細查訪已知大畧現在嚴行戒飭開導督令文武

有約已而不急心實政宣布大聞飄氣使然縣共官刺王章

聞一江西吏治經撫臣謝旻將貪酷守令叅劾整飭

謝旻僅能功過相抵平庸撫臣頗覺肅清惟玩忽之習尚未全除臣現在留心考

核凡有小過自當教導儆惕而難勝繁劇者又當

硃批諭旨

上

全

趙弘恩

澄敘官方何必貪劣者而後參處舉凡教而不改難以
斟酌改調以期人地相宜若尚有貪劣者亦即參
望其成就者豈可姑容以貽誤地方
處俟撫臣常安到日再加察商另行奏

聞

陳王章自伊初蒞此鎮朕即疑其必不協時加嚴訓
未經獎許一語與歷任督撫評論江南考驗每令代買物
件借名發價大半賠累拔補千把亦多不幼弱
訪問從未聞有如此陳奏者果如所云是與朕意暗相
符合其人俱給名糧驕縱放蕩且聲言可以參議文員
虛張勢欲希圖府縣趨承逢迎而於分內應辦之
事竟不實心辦理臣初聞未敢深信及抵江寧密
加察訪論復相同昨據該鎮陳王章送到該標後

營俸滿千總蕭三汲經臣秉公考驗漢仗弓馬俱
屬平常查核陳王章所出考語則稱弓馬可觀當
經臣飭行不准保送在案是考送員弁瞻徇之處
已有確據則彼地文武弁兵之群相嗔怨似非無
因除一面再加確訪外事關鎮臣大員理合先行
據實奏

聞

奏一鄱陽湖大姑山小姑山及廣信等府河道向為
望生盜藪近雖查拏嚴切經臣一路細詢尚未全息臣
到任之日即行嚴飭文武員弁實力躡緝加意查

殊批諭旨

上

卷

趙弘恩

拏臣仍不時察訪整飭以副
聖主弭盜安民之至意謹

奏

實力爲之務盡根株靖盜固屬要務而察緝匪類尤宜
加意何也盜賊有跡可按匪類無形可指盜爲生民之
害匪爲國家之蠹地方大吏因其不關考成每推無證
無據遂置不睹不聞且以化小事爲無事一旬婦寺俗
談借爲口實一任蔓延醞釀養姦遺患業旣醉夢昏昏
不省偶遇屬員發擿一草反飭爲多事之舉此等邪謬
意見當深以爲戒誌之

同日又

奏一湖南歷來積欠民賦以及驛站米折等銀共二
十三萬有奇臣任內接催除具

題豁免銀一千二百二十五兩零外今已催完銀二

十二萬六千九百五十三兩零未完銀一千八百

八十七兩零又雍正八九年僅未完銀三千九

百一十九兩零雍正十年亦僅未完銀九千三百

九十四兩零理合

奏明

一署撫臣鍾保到任之時臣將湖南六切地方土

俗民情苗疆事宜詳細說知至封疆大吏以保固
地方元氣為第一要務瑣碎搜察尤覺擾民亦俱
切切詳言臣見鍾保為人正氣和平虛心詢問仰
見一十六兩零銀五十五兩零未宗題共千三百
聖主睿鑒南楚有得人之慶矣謹平謝未宗題三千
奏十二萬六千八百五十三兩零未宗題一千八百
鍾保從前因循瞻顧惟以潔己為務不肯實心任事近
復用此二任頗知改悔且經鄂爾泰勗勉開示似覺感
發天良然已非上智之品究恐下愚不移毋因偶有所
見遂欲確定是非須留心體訪密行探察如有所聞一

據實隨便奏知

雍正十二年二月十八日署理江南總督印務臣

趙弘恩謹

奏准前督臣高其倬鈔錄原

奏江寧水師添造脚船軍械

皇上硃批具疏題請欽此又奏覆提臣南天祥請撥弁

兵協防漕涇吳淞停止輪流貼防上海吳淞一團

漕涇等汛之案并借支司庫公項二萬湊修軍械

皇上摺奉

皇上硃批此論似是具題奏請欽此又前任安慶按察

硃批諭旨

上

完

趙弘恩

皇上使王紘條奏淮河設塘一摺奉
皇上硃批言之督撫欽此一併轉交與臣辦理臣查江
寧水師添造脚梢小船及按戰船製給軍械實屬
應行之事現在查估工料具
皇題又海疆關係重大全在平時巡防嚴謹若有虛應
奏陋習理應實力屏除請撥請停殊難輕議至江南
甲械准留公糧次第修製今經三載似將敷足臣
恭繹

硃批此論似是四字仰見

皇上至聖至明無微不至容臣親巡海塘及查明各營

公糧已扣若干甲械現今已未修製若干另行定
議請

旨再兵丁腰刀鋼輕者有之其全係白鉄者原少各營
因准給司庫耗羨卽紛紛冒支臣在湖南俱經駁
查卽督臣邁柱之見亦與臣合今兩江各營亦復
如是臣亦在嚴駁其實需改造者仍應同甲械一
例動支營中公糧辦理以免糜費理合一併先爲
奏明又鳳陽府屬淮河一道上通汝潁下達淮泗近
今商船疏通已先據壽春營詳添梢船遊巡祇因
估料耽延臣到任後隨令動支公項添造梢船十

二隻塘房三所令沿河旱塘之兵并又於城汛抽撥兵丁湊派輪替撐駕會巡并知會河東督臣矣又安慶江西等省交界之小姑山金剛料沙包頭一帶爲盜賊出沒之地向有三不管之名臣亦飛飭分汛添塘設船加謹巡緝俱嚴飭文武實力督率又三省水陸塘汛廢弛而水塘缺少船隻更屬疎忽臣亦在極力整飭設法修理臣將來親巡海

目再塘併往驗視倘房船朽缺定叅文職如兵丁曠誤必叅將弁斷不敢因循怠忽合併陳明謹

奏

勉力爲之汝能竭盡一分心力朕必有一分恩遇逮汝要在善於審擇自處耳

同日又奏爲察拏匪類事竊臣屢蒙

聖訓不敢稍懈自到江寧隨密札三省文武各於境內留心姦匪邪教臣復不時密訪旋有風聞江西玉山縣地方有姦匪祝皆卽祝龍吳自榮卽吳寵又名吳宗亮并扁頭王元帥等名目散賣偽劄臣當卽差官密札文武密拏去後茲據江西署布政使宋筠等稟稱據府縣將弁等官稟報已於本年正

月十四等日陸續拏獲陳星卽陳輝林徐易文祝方昇李子蘭李孔瑞等供稱扁頭王名周果達於正月初九日向陳星云劄付係福建封禁山拏來等語又起獲偽劄一張一面寫統兵大元帥一面寫汀州總兵周果達字樣又在祝方昇屋後山泥壘隙洞起獲磚刻偽印一顆印文與劄上無異又於陳星家起出鈔寫兵書二卷悉載五方二十八宿旗號陣圖及行兵事宜又拏獲周果達之弟周和藍現在跟究踪跡等情據此臣查封禁山介於三省向係姦匪巢穴復專弁星夜密咨閩浙各督撫及

通飭文武添撥兵役重懸賞格分布捕緝餘黨務盡根株以靖地方嗣准浙江督臣程元章亦以訪聞浙省江山縣之民人王益善等結交匪類密移到臣復通行江西江南暨附近隣省各督撫提鎮一體協拏去後隨據鈔錄浙江江山縣緝牌內批稱據王攀雲控府出首伊姪王益善爲匪等情又奏吳士榮之父吳汝昆浙省已經拏獲又江西省城聞再齋堂楊家厰等處有黃森官等亦屬同夥等語除俟拏獲周果達并各犯一併歸案究擬外臣卽日復嚴檄申飭不許借端株連無辜又復密飭三省

文武時時察訪各種姦匪邪教在案所有姦匪情
形理合先行奏請各該一併嚴拿究辦等因
聞再江西相隔寫遠行文查拏往返稍遲合併陳明謹
奏吳士榮之父吳文昇前在江西督辦
此案日前已經有諭實力嚴緝務獲毋俾一名或致疎
脫
同日又
奏一上元縣降調知縣陳齊東縱役栽侵捏首蘆課
銀米三萬臣已訪審
題參恐各屬俱有此等弊竇現經通查務必破除從

前積習又重耗私派各屬亦未全除辦理命盜詞
訟殊多率混而驗傷更多不實俱在悉心察懲然
皇上欲求洗除積弊及地方民生事事就緒不致始勤
終怠先須司道守令得人其舉優參劣俟察訪確
實陸續請
旨一面不時告誡以期奮勉至於兵丁疲玩更聞有通
那頂考之弊現在明白開導設法稽查整頓其各
營將弁亦在分調詳加考驗訓飭理合

覽
奏明
觀去冬今春雪雨光景此患或可無慮
一蝗蝻有害禾稼聞其發萌在於三月彼時若能

殊批諭旨
上
堯
趙弘恩

挖其窟穴焚其根種可免生發淮安行有成效臣
已通飭所屬一體察辦并知會河東督臣去訖
一各屬有捐濟隣里之士民若俟賑畢給獎不能
感動羣情而轉盼青黃不接窮民望濟甚殷捐數
不多仍少實濟臣查出各屬報有捐交成數者卽
行會給扁額獎賞其數少者令司府等官給扁以
是亦旌賢勸善之一端
廣

皇仁

一各屬錢文率多攙雜淮安揚州大小制錢折算
不均而江西剪邊沙板尤多現在分別調劑禁查

雜錢

不宜驟禁但嚴私鑄毋使漏網爲要
以遏私鑄之流其私鑄私販嚴督上緊查拏

一省城育嬰堂有名無實普濟堂竝未設立臣欽
遵雍正二年

諭旨動支臣衙門江西鹽規三千五百兩置建房屋田
產又每年薪水食用藥餌衣服督同各官捐資設
備卽有好善紳士情願代爲經理當允所請惟飭
不可派擾民間又生事端其江寧暴露棺骸臣亦
仰體

皇仁捐資料理完畢理合
奏明謹

殊批諭旨

上

內

趙弘恩

奏

育嬰普濟固屬應行善舉然亦不過婦女慈仁之類非急務也

雍正十二年三月初一日署理江南總督印務臣

趙弘恩謹

奏一玉山縣匪犯一案經具摺奏

聞復經節次嚴飭密拏今於二月十七等日據署江西布政使宋筠稟稱二月初一日已獲扁頭王卽周果達初五日拏獲李子蘭初六日夜拏獲要犯黃森官等又據稟稱二月十二日據宜黃縣解到李

繼青一犯等語臣查此案同夥多江西人隨拏隨解浙省恐沿途漏洩以致未獲各犯聞風驚遁更恐其中尚有妄扳誤拏遽以轉解未免拖累臣已節次飛飭文武一面追捕餘黨一面確審現犯務得首從謀夥各確情同偽劄書籍等項多差官弁兵役解赴江寧臣卽親加細究確實一面備晰奏聞一面轉解浙省歸案擬結務期匪類不致一名漏網良善不致稍有牽累以彰

國法以廣益善等一案案案詳示章程嚴密審辦此等匪類行同虺蜮非施聖慈之事汝大誤矣其嚴查聖慈正在具

殊批諭旨

上

九

趙弘恩

確究母得少存姑息之念
奏間於二月二十八日接奉

諭旨匪類王益善等一案將程元章奏摺鈔寄署督趙
弘恩速將各犯逐一拏解浙省審擬等因欽此臣又
飛行江西立即嚴拏未獲各犯一面將已獲要犯
黃森官等多差兵役嚴押到臣轉解浙省勿致疎
虞合併

奏明

一廣信府界連閩浙安徽三省而廣信鉛山二營
僅共官兵七百八十餘員名分防一府七縣似覺
汎廣兵單府屬各縣何處爲封禁山要隘何處爲

覽

衝衢要地一切酌盈劑虛之處現在檄飭察議抽
添

一臣聞江西驛道魏錫祚精神衰弱恐誤政事經
既如此何可姑留在任貽誤地方
詢署藩司宋筠覆到魏錫祚謹慎歷練但氣虛體

弱雖未卧牀語言步履甚覺費力糧道高銳年力
再三訓誠俾令悛改

精壯亦有才情但用度亦欠樽節等語臣現在確
察密訪理合先行奏

聞
知道了

雍正十二年三月十五日署理江南總督印務臣

殊批諭旨

上

矣

趙弘恩

趙弘恩謹

奏一據江蘇屬之江寧蘇州松江常州鎮江淮安揚州徐州八府及太倉海州通州等三州安徽屬之安慶徽州寧國池州太平廬州鳳陽七府及滁州和州廣德六安潁州亳州泗州等七州各所屬州縣俱報雨澤霑足大麥現在青茂小麥現在長發江西一省有新建等十數縣呈報麥苗秀盛其餘各縣未據報到其蘇城現在米價湖廣白秈米每石一兩一錢五分本地糙粳米每石一兩二錢五分各屬有比蘇城增減數分者總較往年輕二三

錢一石等語此皆仰荷

聖主教養殷切且蒙

特沛殊恩將漕糧半本半折江省得以米多價賤日食

充裕民氣和樂土協

天和所致臣惟有敬遵

聖訓愈加小心寅畏嚴誠屬員勿受胥役播弄勿縱捕役誣良實心實政案件速結俾得感召

天和豐收有望以副

聖慈於萬一也恐厪

聖懷理合奏

殊批諭旨

上

卷七

趙弘恩

聞謹聖合奏

聖奏

此奏欣悅覽焉果能勉盡感召之道朕可保徵應必如影之隨形響之隨聲也期共勉之

聖旨同日又小寅與魏熾國員受晉封爵

味奏

者固不乏人而浮滑軟弱者十有七八馬步弓箭

亦不合式而江西尤甚臣已頻加申飭并將看出

聖主各員弓馬不妥之處逐條指出行牌切責令各上

緊操習一面訓練兵丁臣仍留心密察倘各員猶

奏敢玩忽從事即嚴行叅懲不敢姑容其江西各營

奏多用伴當今聞江南亦間有濫設伴當者亦在查

革理合

奏明

查安徽江西水陸塘兵勤惰已委遊擊都司守備

共四員

會否修備齊全據實覆報又此時正值開徵錢糧

臣亦密委三省各道親往所屬州縣察弊其無守

巡道員管轄之州縣則委府州親察至各縣監獄

有無濫禁刑具是否遵制塘房船隻是否修理亦

殊批諭旨

上

矣

趙弘恩

令乘其不備逐一點驗彼地有無匪類邪教及衙
蠹地棍種種不法之徒更令留心訪拏仍暗查塘
汛兵丁勤惰切飭其秉公慎密不得私毫寬縱更
不得多帶人役騷擾生事臣仍不時密察惟下江
塘汛臣擬於赴常會勘秋審之後卽順便親查并
直抵海塘查勘一切情形又聞沿海墩臺從前曾
被潮坍者至今多未修建臣亦嚴行申飭作速修
竣候驗去訖理合

奏明謹

奏

於汝前摺曾經批諭兩江直隸三省地方自朕踐阼以
來總未得人剔除整頓今直隸經李衛振作一番不數
月間已大有可觀汝現在兩江若肯如此立定志向盡
力督理自當漸有起色朕斷不虛負汝之勞績一切處
勇往直前不須瞻顧有朕作主汝何懼乎但慮汝等漢
軍習氣每每行不逮言如田文鏡心口相符者甚屬寥
寥果能照依到任以來所奏措諸實行不徒托之空言
則豈但朕與汝君臣二人之福乃等未幾又難康亦難
社稷蒼生之大幸也勉之勉之

奏同日又玉山總領陳黃森官風果嶽等奏

奏一江西玉山縣匪類黃森官周果達等要犯已經
拏獲經臣兩次奏

聞尚有要犯傅秀山改名白化龍等未據弋獲現在嚴
飭分路搜拏解浙究擬茲欽奉

諭旨著左都御史徐本卽由安慶前赴浙江會同程元
章嚴審定擬具奏欽此徐本於三月初一日道經江
寧臣將前後獲犯姓名緣由一一詳細告知但徐
本既經起程赴浙若各犯由江寧轉解恐致遲滯
今據該臬司呈請就近解浙臣卽行知在案再匪
類齋堂卽羅教大成教久奉

諭旨查禁今黃森官等齋堂爲匪事發該地方文武官
甚是

員漫無覺察臣現在嚴查合併陳明
一匪類爲

國家大蠱臣稟遵

聖訓時時密飭三省文武設法訪察不敢稍懈近又於
江西奉新縣盤獲道人朱一如號長珍頭留長髮
隨帶藥包形跡可疑卽於藥包內搜出偽造逆書
一本等物已將該犯解交南昌府收審茲據署南
昌鎮總兵陳王章於該府處鈔錄偽書呈送到臣
臣不敢隱匿謹將原本原單一併封呈

聖鑒俟該府審明緣由到日臣另摺奏

聞有無不法實蹟嚴加究訊毋忽

一江西驛鹽道魏錫祚患病情由臣先經奏

聞今於三月十一日據該道詳稱脾胃虛弱語言蹇澁

勢難辦公請解任醫治等情前來除批藩司照例

聖鑒取結會

題外臣查該道管理通省驛鹽事務兼巡瑞袁臨三

府地方實屬要缺該省知府中才守兼優可信者

甚少而品行心術不端穢聲彰著者頗有其人臣

現在確切密訪另行參

奏誠恐道篆委署難以得人伏乞

皇上迅賜簡補實有裨益謹

奏

覽

同日又

奏為奏

聞事竊照雍正元年江西萬載縣有溫上貴謀叛案內

餘黨龔永錫等未獲臣到任後即檄行江西按察

司移行文武各衙門於棚民州縣重懸賞格選差

兵役不時勒緝勿因通緝年久之案漫不經心倘

有實心辦事之員留心密獲自當

題請議叙以此鼓勵文武屬員在案茲於三月十四日據江西署布政使宋筠等稟稱二月二十五日有駐劄銅鼓營同知譚士法盤獲溫坤生訊供據稱有原犯叛案溫上貴之族弟溫廷瑞現在山口地方謀爲不軌其劄付印信自新昌天寶鄉沈子榮家發來沈子榮係大將軍軍師係溫老二名淘濱溫庭奉等在山口背後夜聚曉散操演武藝置造器械給坤生千總劄付一張銅印一顆伊不肯受黑夜逃來并已經拏獲溫淘濱溫庭奉溫廷瑞

三犯等情到臣除飛檄密拏夥黨并究追印劄器械外臣查銅鼓地方係寧州山僻之區與瑞州府屬之新昌縣袁州府屬之萬載縣俱係接壤之地棚民雜處因溫上貴謀叛之後添設遊擊同知各一員以資彈壓今據稟稱該同知譚士法盤獲之犯現在確查俟詳覆至日如果情實臣另疏題請議叙并將失察各員一併查叅庶功過分明人人咸知鼓勵儆惕矣合併陳明爲此謹

奏

蔓草不除逢時勃發嚴飭搜緝務淨根荄毋使一匪漏

網

雍正十二年三月二十六日署理江南總督印務

臣趙弘恩謹

奏為據實奏

聞事竊臣赴任時聞署江西南昌總兵陳王章聲名平

常一面留心確訪一面恭摺陳

奏荷蒙

皇上硃批臣愈加秉公訪察復密詢署布政使宋筠饒

九道劉均糧道高銳原署南贛鎮江寧副將康華

齡等各稟相同謹臚列奏

聞

一陳王章每次

奏摺私派所屬各營幫給盤費每營每次繳銀三兩

五兩不等係中軍遊擊史節文發札催繳據建昌

營遊擊桃敏口稟相符并稱現有史節文原札存

據李景外等

一陳王章遇鎮營馬步兵丁缺出不即通報亦不

拔補空出糧餉扣繳入己兵丁因而生怨該鎮及

該中軍衙門經管各書識皆知確數有署布政使

宋筠稟帖可據

硃批諭旨

上

一

趙弘恩

宋陳王章平日收受屬員禮物令屬員代買紬緞米麥芝麻磁器等項俱由洪鼎臣經手中軍史節文亦知確數據副將康華齡面稟相符恐有戲一陳王章濫准義合戲班掛總鎮牌名上年有戲子李景悅等誘賭經署南昌府事同知高以靜查拏詳報乃陳王章諭令守備王錫圭說情有高以靜可證

一陳王章於地方民事混行干預文職賢否亦復議論每在巡撫前議論某官好一得巡撫之言卽背地市恩密爲轉告希圖酬謝與瑞州府知府楊

廷翼等聯絡一氣作威作福據署布政使宋筠道員高銳稟覆相同

一陳王章廢弛營伍貪利務外其職分應辦之事轉多玩誤如玉山匪類散賣偽劄旣經拏獲更有偽劄偽印盟布確據而江西省城又有羅教大成教齋堂等事俱經拏審在案陳王章旣經失察於前又復狡辯於後查匪類爲國家之蠱陳王章於此等大事竟毫不經心但以取利爲急彌縫爲務可謂喪心負

恩之至者也臣查陳王章心術巧詐品行不端恣意貪

婪毫無顧忌先因廣信營叅將張福詳揭勒借餽
送等款革職治罪蒙

皇上格外寬宥暫令署理鎮務自當痛改前非竭誠報
效以贖前愆乃復益肆貪劣實屬下愚不移凡江
西赴考營員及文職進見經臣詢及無不吞吐其
詞半隱半露則是西省員弁人人畏懼面譽背恨
怨聲沸騰誠恐貽誤地方關係匪輕謹據實陳

奏伏乞

皇上睿鑒施行謹

奏

叅奏甚當有旨諭部矣

同日又

奏為恭請

聖訓事竊臣赴任之時日擊江寧省塢閒泊各項差船

塞滿河干細查檔案博詢衆論知省塢額設黃快

沙宜便民中划等船於雍正六年通查各省站船

多設案內議裁三十七隻現尚存船二百四十二

隻湖北武昌現今僅存差船五十隻江寧省塢雖

屬四通八達差使較繁但存船竟至五倍湖北為

數未免猶多及查省塢近今每年應差一切船隻

殊批諭旨

上

夏

趙弘恩

奏爲據實奏

聞事竊臣於赴任時道經江西地方因吏治廢弛留心
奏訪察聞得瑞州府知府楊廷翼貪污殘酷狡詐乖
皇上張假公濟私作威作福臣始以各府賢否詢署布
奏政使宋筠稟稱楊廷翼操守心術難以深信臣復
懇密詢饒州知府青阿立袁州知府薄履青各具印
稟種種款蹟適糧道高銳赴淮進見時臣密行詢
問據高銳面稟亦復相符臣問司道因何早不揭
叅高銳回稱各人意見不能盡一容俟事竣回江
與司道密商如伊等不揭則本道一人印稟揭報

等語臣現在密諭各府再行確訪果否相符有無
別項款蹟外臣查撫臣謝旻在任四載政勤守潔
安靜和平惟誤認巧詐以爲能員有累公明之望
實因楊廷翼佞口巧於彌縫朦蔽兼之自恃前任
廣東羅定州任內經前督臣孔毓珣以貪贓叅革
奏又得現任知府人多畏怯逡巡江西一省吏治營
伍敗壞廢弛未必不由陳王章楊廷翼二人所誤
謹將青阿立薄履青印稟鈔錄恭呈

御覽容俟各府覆到臣再加詳細確查如果衆口僉同
聞鞫卽行嚴叅以昭勸懲臣不敢容隱理合先行奏

聞謹... 奏容... 楊廷翼屢負朕恩殊屬可惡具疏嚴叅毋少寬假

同日又... 奏一江寧省城水道淤塞火患時作臣已委員并動

公項將官溝水塘疏濬深通又勸民間各將私溝
逐細修刷使積水暢流總歸外河以免濕蒸成疾
其救火器具除各官原設之外亦示勸民間各設
水桶不時貯水以冀有備無患又米糧雜貨行販
人等動輒收費斂錢傳單齊行高擡市價商民俱

累臣已嚴行示革竝拏惡棍枷示又各寺院僧人
停歇外客尚屬衣食之計但每每出入酒館攬事
奏過錢殊屬不法臣亦嚴行摘禁又蘇州向爲造賣
賭具之地臣嚴飭府縣今已拏獲數家現在嚴究
并令再加徧查理合一併

覽

奏明

一江南江西州縣有圖書里書區書冊書公正更
有里差地差坐差副差虎踞都圖各掌一方包侵
錢糧飛灑稅賦且冊匿私家父故子頂世代流毒
弊難悉數臣訪聞既確隨嚴示徹底革除令將冊

籍舊票追存官署或交戶房兼管或募淳良經理
竝令不時察查一有弊竇卽行革懲其徵收錢糧
照舊刊發滾單滾催竝令州縣明白開導小民使
知踴躍輸將間有衿棍抗欠然後摘拘比追法因
奏人施權自官出至已革書差仍逐名取保如原管
錢糧不清底冊不全或弄巧阻撓卽行嚴拏監比
重究理合陳明謹

奏

好竭力整理務使弊絕風清

雍正十二年四月十六日署理江南總督印務臣

趙弘恩謹

奏一上江之潁州亳州壽州宿州及靈璧鳳臺二縣
素稱盜藪而爲商民之大害者尤在淮河一帶要
路蓋緣此河夏秋水發寬至二三十里冬水歸槽
兩岸涸出十里內外竝無民居又鮮營汛故鳳臺
界內之高望寺胡家集等十數村莊居民率多盜
匪其中鄧平孫劉等姓族人尤多不法除已添塘
汛并前撫臣徐本飭設保正族長外臣現又極力
諄飭文武弁員不時稽查并令將不事生業之輩
教以耕織免其游惰又將盜賊窩家賭博等罪名

摘叙講解使其咸知爲匪之罪謀生之安以靖地方
方尚文苑代員不報詳查共全不專生業之輩
兵鳳陽府屬宿靈虹三州縣及泗州各屬水患疊
見固由於溝洫未通隄塍未修更由於河道淤塞
臣到任檢查檔案宿州靈璧現議築隄虹縣則請
濬謝家溝河道而泗州又以壑鄰詳阻委鳳陽道
李如蘭踏查議修安仁等閘又據糧道王恕稟稱
開通小河疏隄入黃則四邑永無水患等語所見
各異臣查此事旣爲鳳陽一帶百姓田廬所關亟
宜辦理但非勘驗確切未便卽爲舉行卽專就四

邑情形定論亦恐未爲穩妥正在籌畫擬議之際
三月二十六日大學士臣嵇曾筠祭掃祖墓親至
江寧臣見嵇曾筠備敘

聖恩感激涕零凡講至

國計民生之事無不開心見誠剴切商酌臣以宿靈
虹泗水患之事籌慮嵇曾筠詳晰講議俟河工事
務少暇親身查勘通加相度期於地方民生有益
以廣

皇仁等語應俟勘明商定另行奏

聞以上二件乃係上江緊要之事合併備細

聞奏明謹
皇奏

覽奏俱悉凡綜理一切政務無論鉅細咸宜敬慎盡力
爲之不必胸中先存輕重大小之念若祇以此二件謂
爲緊要之事則其餘政務皆係不緊要極易措辦者乎
是固不然卽以此二件而論於未經措辦之前視爲重
大難理則先有所恐懼憂患心已不得其正以不正之
心經營國計民生詎能籌畫協當耶誌之

雍正十二年五月初一日署理江南總督印務臣
趙弘恩謹

奏竊臣欽奉

硃批汝等漢軍習氣每多行不逮言如田文鏡心口相
符者甚屬寥寥果能照依到任以來所奏措諸實行
不徒託之空言則豈但朕與汝君臣二人之福乃

社稷蒼生之大幸也欽此臣恭讀未竟感激涕零欽惟

皇上民胞物與宵旰焦勞無刻不以

社稷蒼生爲念普天胥慶率土均沾臣蒙

聖恩特拔於趙氏敗類之中

命署重任涓埃未報雖冥頑不靈之至亦未有不敬捧
硃批而愈加心動神惕者大凡人之才能固有等次而

心之盡否實可自主自茲以後兩江之政治整理

命署臣難預卜而鞠躬盡瘁罄此心血不計身家毫無

果能如此立志實可以自矢於

天地神明之前十日十手之際臣查江南吏治向因各官

上下欺朦互相詐偽權操姦吏威借惡捕辦事以

掩蓋為能稱許以姑息為仁大事化小小事化無

不花言巧語即是能員以致政治廢弛善良嗟怨是

以臣凡遇縱胥縱捕擾民侵帑粉飾含混之案必

行駁詰到底絲毫不恕積弊先除政令漸治近以

劣員姦吏難以立足紛紛怨臣搜剔尋隙臣亦詳

無良心久之人自畏而且感也

細開導望其去偽存誠實心實政必不敢一味取

悅屬官求世俗之虛聲避貪蠹之嫌忌以負

皇上諄切訓誨造就成全之至意也理合披瀝下情具

摺奏

聞恭謝

聖訓但臣質本庸愚若非仰蒙

聖主頻賜指誨何能稍有進益更乞

聖恩時加提撕俾得敬謹遵守以圖報效為此謹出

好勉之又勉可也

殊批諭旨 上 趙弘恩

同日又

奏一州縣圖書冊書等役藏冊舞弊臣嚴飭革除并
聖恩令追出底冊今下江之丹徒縣據各書役交出版
聖主圖底冊合算缺田十六萬畝迨清查嚴緊始又吐
聖出六萬畝尚隱漏十萬餘畝現在查究下江各屬
聞恭於雍正十年奉文清造版圖冊籍原令遴選賢員
悉心妥辦勿致復被胥吏作姦乃各州縣仍令圖
冊積蠹開造並不親加督察是欲作弊之人清查
皇自己之弊無怪乎飛灑無忌隱漏愈甚丹徒一縣
如此各該州縣可知田額之隱漏如此錢糧之侵

捏可知臣隨又通行各屬實力革除積蠹作速追
出冊籍悉心清查積弊以期根源清確賦額無虧
便於徵輸理合

奏明 太倉州知縣李育燾居官不職已經糾參該縣民
奏一武進知縣李育燾居官不職已經糾參該縣民
人見委員摘印因李育燾平日殘刻百姓混於縣
署之前肆行辱罵經委員嚴飭始散又奉賢知縣
盧時炳居心巧詐其重耗苛徵確有實據亦經會
參委員摘印乃聞縣民亦有嚷鬧之事又有稱盧
時炳平日居官清廉者又聞睢寧縣貼有知縣重

耗暴徵之匿名揭帖臣以知縣貪劣自有律法處治其民間辱詈囂鬧及擅貼匿名揭帖種種惡習斷不可長隨一面嚴行示禁一面飭行司府察拏爲首之人務期必獲嚴審重懲其睢寧縣知縣楊會敏果否重耗暴徵亦在密訪合先一并詳奏

奏明

一太倉州捕役王泰等誣指魏進爲盜逼勒銀錢搶抄衣服竝縛妻賣女武進縣捕役張成承緝楊興臣盜案竝不躡拏實盜乃串詐事主盤費八次誣考良善多人又嘉定縣武生陳藩於雍正十年

乘有潮災糾衆抄搶擾害良民均應重治不宜姑息長姦昨據司府州審擬未協臣逐案嚴行批駁另行究擬去訖理合具各具奏

奏明謹

奏

隨宜革除次第整飭亦不可過於急迫以求速效

同日又

奏一鳳陽風俗素稱強悍臣屢加勸禁在案嗣聞府屬定遠縣北爐鎮地方有張大劍等夥結擡天尖刀等會逞兇窩娼擾民害俗臣密委鳳陽道李如

蘭督拏據報定遠縣拏獲張大劍等十一名壽州
拏獲姚天助等二名該道差役拏獲李三癩等并
娼妓共三名當飭司府嚴行審報并勒拏逸犯謝
景等務獲并究去訖合先奏
惡習最害民俗應嚴究者
聞

奏一臣分查各路塘汛前經奏

聞在案茲據委員查覆壽州一帶塘兵間有離汛之事
臣隨飛行鎮營將離汛各兵究治竝取該管將弁
職名一俟覆到竝候互查之道員呈覆至日攷對
確實分別參斥以懲積玩其餘各路俟查覆另報

是合先

奏明

一准部咨奉

旨諭祭大學士仍管江南河道總督事務嵇曾筠之母
楊氏臣卽欽遵委員動項辦理茲准閣臣嵇曾筠
覆稱疊荷

殊恩感激涕零隨卽望

闕叩頭恭謝

天恩訖惟是此時已赴淮安辦理河工伏秋大汛踵至
現在協同署河臣竭力保固荷蒙

聖恩賜祭可否於霜降後回籍之時舉行等語臣查閣
天恩臣稽會筠協辦河務時將伏秋不敢暫離無非感
戴

聖恩念切急公隨又飭行委員緩至秋汛事竣舉行祭

典理合

自應暫緩

奏明

今歲二麥現據江寧府屬之上元江寧江浦三
縣各報有九分收成經臣差員察驗無異又上江
之懷寧桐城涇縣寧國旌德貴池以及下江之長
洲元和吳縣常熟昭文華亭南匯武進丹徒山陽

江都太倉崇明通州如臯等州縣亦報有九分八
分七分不等統俟各屬報齊另行分晰某府收成
幾分各數繕摺具

奏大概上江下江今歲二麥收成俱厚聞江西二麥
亦屬茂盛恐厘

聖懷理合先為奏

聞謹

奏

若能如此盡心奉職久而不渝歲歲必蒙

上天垂賜嘉應朕可力保

硃批諭旨

上

真

趙弘恩

同日又

奏一陳王章婪贓納賄各款臣前經奏

聞茲於四月二十六日接奉

諭旨臣遵卽檄委江寧城守副將康華齡密往會同江西署布政使宋筠將陳王章摘印看守解赴江寧候審并委康華齡暫行署理外伏查各營將備弓馬類多平常甚至塘汛兵丁或無一人在汛或公然聚賭塘汛幾同虛設似此情形廢弛非一日矣必得操守廉潔實心辦事之員方可收指臂之效伏祈

皇上迅賜賢員補授竝懇

皇上嚴切訓誨俾有遵循從此江西營伍整頓可觀實有裨益矣

表一贛南道管轄三府二十五縣地方遼濶居江西之上游乃閩粵江楚交錯之區地居衝要臣詢據布政使宋筠稟稱該道王世繩諸事模稜欲做好人不能整理等語但臣查其爲人尚屬謹慎可否

命改用京員理合恭請

聖訓其員缺查有湖南永順府知府袁承寵操守謹飭辦事勤敏隨臣六里撫苗頗著勤勞且莅任永順

新闢苗疆已屆五年例得陞轉可否仰懇
聖恩補授贛南道缺令其實力整頓地方如蒙
俞允其永順府員缺查有乾州同知張鍾年逾六十精
神頗壯久任苗疆熟悉情形以之補授永順知府
亦屬人地相宜是否可行臣未敢擅便統乞
皇上睿鑒施行謹

奏

袁承寵已允邁柱題請補授糧道矣不便改用茲若另
簡別員一者不得其人二者汝正在專意興除之際恐
未必能應汝手贛南道一缺於三省所轄屬員及向日

湖南所知各員或他省知府同知中選擇人地相宜者
無論越銜與否擬定一員知府以下員缺一併遞擬作
速摺奏以聞候朕酌奪有旨

雍正十二年五月二十四日署理江南總督印務

臣趙弘恩謹

奏一臣親歷各府目睹二麥豐收但刈麥之後正需
雨澤以便栽插禾苗恰於五月初九等日連得甘
霖廣沛四野沾足萬姓歡呼此皆

聖主勤求民隱至誠感召之所致也又各屬米價俱平
理合一并奏

以手加額覽之

一山東豆貨向由海洋運至江省發賣其已入江
省內地之豆原不許復裝海船出口但恐豆船自
山東發行即徑自賣與海賊不入江省口岸兩省
皆無稽察是仍資寇妨民況米糧出洋現在嚴禁
則豆貨自應并查方免掛漏臣已密商河東督臣
山東撫臣俟覆到籌辦另

奏合先奏

此舉是當之極會商辦理具奏以聞

一據銅陵宿州江浦山陽寶應通州等州縣及泰

州分司各呈報所屬蘆葦叢中間有蝻子萌動當
即竭力撲淨等語臣又嚴飭務各再加搜捕勿使
遺孽生翅蔓延并飭司道轉行附近各屬一體加
意徧察又宿州呈報三舖地方於四月二十六日

大雨內有冰雹臣亦飛飭委員查勘去訖理合

務須嚴督屬員撲淨委員驗明為要毋聽一面之詞致

奏明

令貽害民生

一臣聞各府紳士頗知安分循禮惟常州府屬紳

奏尙未全除臣已嚴飭府縣等官嗣後務須秉公執

法竝將慣好攬事說情之最甚者指名詳報究懲

卷一